



安般經詩續鈔

一





安般移詩續鈔

(一)



叢書集成

初編

主編者
王雲五

商務印書館發行

安般經詩續鈔

本館據漸西村舍
叢刊本排印初編
各叢書僅有此本

敘

易有之。書不盡言。言不盡意。然則聖人之意。其不可見乎。天有十日。人有九品。自非太上。孰得忘言。言而不通。將求其類。類情宛轉。辨采滋彰。心不謂而彌忘。幾且通而還塞。若夫久竹青甯之對。須彌芥子之談。東京耿介。遯方術之駢枝。齊魯儒書。起神仙之迂誕。自非識窮始素。思盡元黃。辛同道情。該練俗變。蕉萃專篤。思理不渝者。則亦孰足與察比興之淵微。較有無之極致矣。漸西无名人。法无孤起。境觸方生。竚興而作。詩若干卷。續若干卷。觀其比物連類。餐潔茹芳。騷人蟬蛻之心也。迴視收思。樂不忘本。小雅明發之懿也。爰及夫交游贈答。存沒哀思。儒林講肄。副墨雒誦之所攬。蔓閭闔閭風。馬歌鷺鏡之所蘊。藉汎而後應。其出不訢。則又九流之散。言出賦家。賈誼升堂。相如入室。所相與嘖。孺道真。箭勺物診。揖讓登降。禮樂以俟者也。行春花藥。言寓思於哀駘。舉目山河。獨撫膺於逝者。朱干玉戚。則端冕以舞。清商激楚。乃絕絃可知。君之於此。幾所謂持其性情。不令暴失者乎。莊生有言。況乎昆弟親戚之警。欵於其側。夫昆弟親戚者。其聲可識。知其端不可思。三復斯編。庶幾脫落陶謝之枝梧。含咀風騷之推激。余乃於是擣首抑容。怡擬佛惛。莽不可理。廢然以止者已。光緒壬辰仲春小長蘆社人沈曾植敘。

敘

湘鄉曾公感寓詩云。丈夫求志動涓莘。何用蟲魚自損神。賈馬杜韓無一用。豈況我輩輕薄人。曩先師與化鐺中允嘗舉以見語。謂其言闊實可以救藥。世士競銜春華。不務秋實之病。爲之腦後下一巨鍼。端恪沈闈齋先生曰。詞章之士。枝葉繁多。根本欠缺。諒哉斯言。鏤冰畫脂。浮華相扇。絳章續句。壯夫不爲。義理未昭晰於中。徒逞妍於字句。往往兩頭明中間暗。乃前賢所訶斥爲輕薄人者也。所鉞薄爲根本欠缺者。也可不憬然知悔哉。法不孤起。仗境方生。偶以之頤性寫心。則猶之可耳。若一味耽溺。便大害事。虛費日力。有妨正業。此學人之通病。不可不知也。書之簡端。用自儆救焉。甲午長夏十九日。芳郭无名人識。

癸巳小除日立春。是日霧晦。愁坐無憀。校此一卷。欲以自遣。然閉戶欲推愁。愁終不肯去。混混與流俗處。何時兔脫投林了。袖手風簾閱市人乎。祝茲隱吏漫題卷端。

安般篋集目錄

詩續甲

徐柯墨寫牡丹數枝及行草書

東園十二韻

山雞行

春風

梅

龍女圖爲黃仲弢題一首

賒酒

租花

哭叔遲

慰移華學士左遷

三李君詩

誚希夷

訊李臺郎家梅花戲呈一絕

酒窸夜坐

次韻萼老陶然亭小集之作

雲海二首

看鶴銘

吳筠軒觀察年八十餘重游泮水索詩

吏不可爲

偶呈施均父

寄丁徵士一首

失題

詩續乙

階下海棠花盛開偶成一首遣興

輿中口占

路遇海光寺僧戲作

喜晤趙桐孫太守高仲瀛觀察有贈

次韻答桐孫見贈長歌

桐老疊韻以近事見嘲有修羅設會主賓倏聚之語因復次韻答之聊附應閒之義云爾
陪錫尙書鄧鴻臚游賈家沽觀機器廠用前韻

謝李方伯送酒二嬰

和周使君

旅窗聽雨

西沽泛舟

登西樓

卻掃

夜聞吹角聲感異

漫興

謝人送羅浮竹扇江鄉枇杷二絕

寄仲瀛

江眺

簡同年張吏部

丁沽

憶定林寺

謁故人王璞臣令君祠堂

贈家敬孫通守

李方伯挽詩

喜雨

四月十九夜

一瓢

莫嘆

析津武備院故皇船隴之基趾也新作高樓登臨慨然

合淝使相招夜讌卽席作

上榆園三兄

上義庭兄

留別仲瀛

西軒睡起

津門晤李蓴老

寓館月季花盛開

津門曉發呈節使

偶題四言

朝陽寺小憩

安平驛遇雨

朱雲

和桐孫贈行之作卻寄

早發口號

將抵都門

東廡卽事

灑上家書至報聶秀才亡感觸舊遊遂作一首書於紙尾

憶昔一首

次韻答王逸梧祭酒

久旱得大雨曉坐漚簷作

逸吾祭酒來詩有一臺二妙之句因復戲答

均父遺我新作橫幅紅梅一株枝老葉硬氣勢蒼古因題句其上

和均父

放歌答施均父

調朱鼎父

省夜

新竹

咏籬桶叟

偶然作

伯蘭宗室戲畫一驢一車一奴星作趨曹之狀意態栩栩劇可笑也爲題一詩

贈張廉卿

送梁節庵謫官歸嶺南兼寄潘儒初

題少司空徐公竹隱廬圖

送廉卿先生出都赴保定蓮池書院

贈徐亞陶

晚霞客興

重九集棗花寺送逸梧學使別

移居老牆根漫咏七首

張季直捷京兆以詩賀之

均父太守以重九未赴棗花寺讌集詩見示因答

井泉

寄示從于觀瀾德劭古詩一篇

南村方古香丈先君行也年七十有八矣聞其尙健詩以寄之

送張樵壘太常奉使墨利加洲長句三首

陶然亭西軒

獨坐

朱竹石提刑遠餉古逸叢書二十餘種作詩報謝

均父以前夕話舊感懷詩枉示因次韻

臘月十九日自典客廡中西軒移楊東館感觸偶書絕句

逸梧學使蒞節三吳途中追述重九日崇效寺餞集作古詩二章郵示屬當歲闌遠垂光寵勗竭燕

音次韻奉寄

書東廡壁

詩續丙

歲朝立春

賦得春星帶草堂

東廡北窗外土山率爾成咏

題友人書庫

六言示江荔薌

東軒曉起

朝鮮使臣徐相爾祭書圖

東園

早入左掖門

壯士

白海棠

牆內老槐

丁香花

次韻易實甫蜀中見寄追錄

偶咏城西寓舍草木四絕句

四譯館夜坐

寄友人

土山

有竹軒雜興

三月二十九日

麻舍有小亭居鐘樓巔下接衆木之杪頗可望遠戲題日本杪亭

獨遊華嚴寺

東軒卽事

四月十八日移床西齋

別東園樹木

別土山

徐亞陶曹郎七十初度作詩遺之

少宰宜興周公挽詩

日來寓直於西偏儲材館乃故相瀋陽文文忠公所建感歎有詩拉雜書之不復詮次

偶題

謝同里葉丈餉野朮

漫書絕句

十刹海登水關子口占一首

枯坐一首

戲作一首

又

護國寺羅漢松

謝人惠筆墨

憶昨游一首寄松岑戍所

又寄二首

懷繩庵學士

獨往

物櫻

汪郎亭閣學奉使廣東臨發新納姬人爲作小游仙詩十二首

雜興

讀後漢書方術傳下

逃暑

典午

次韻心賴南歸留別

不如且枯坐

通州張潤之封翁七十詩

孫徵君詩井引

挽張芝浦方伯丈

四明張蓮軒孝廉往者同學湖上今年六十矣而著書滿篋贈之以詩

座主南皮尙書遺鮮荔支三百顆自粵之燕旬日而達色香味俱未變也走筆賦長歌爲謝

復游東園二首

心在

賦得柳邊人歇待船歸

碧池

示澗上人

寄呂定子丈

送胡員外辭官歸上虞省母

城西荒灣積水氣象野逸與市朝遠便於散官僕移居於此匝一年矣昨逆旅主人云將以此屋質

於他姓審爾卜居亦殊費力主人謝客客殆不免適適然驚邪一笑作詩

贈朱鼎父侍御

時以言
事左節

懷瀨上西村

錢光祿丈葦灣觀荷圖

又極樂寺看花圖

避俗

鼎父同年將南歸省親走筆作歌送之近以困於吏役目瞑意倦追述昔游煩蒸失次知我者或不

以爲嫌邪

重送一首

感舊二首

野菊

欲效

鼎父臨別以坐臥具見遺復作六言絕句四首

喜松岑赦還至自塞上率成五首

過潘孺老舊居裘徊久之時君歸瓊儋閒已五年矣有懷而作

追懷薛桑根先生丙寅丁卯閒湖上讌游之樂

寄酬張通副時奉使美日祕三國卽題其羊城話別圖後

臘不盡十日雪中西郊眺望

矮松

座主崇公家小園中有花窠茅檐土壁製作樸野而天趣盎然小坐口占一絕

歲除日

詩續丁

春日戲書

答上榆垣三兄

同縣方古香丈年八十寄詩爲壽

人日蒿隱居士家夜集

一自

鍊心訣

晦日

虛名

送王壬秋南歸

昨夜小集酒家意有所感賦呈仲弢

潘楊二老歌

潘先生存文昌人楊先生長年江甯人

懷鼎父山中

夜歸

寄鼎父

春雪微霽借蒿隱小山子培仲弢陪李學士譙集天甯寺

何祠曹南充人夜同宿省中談歷代果州人物欣然有作

懷仲修

新會包大令招主景賢書院予久滯都下思南游一謁南皮師于越臺牽於吏役未能決去走筆作

詩寄君立仁弟

懷均父時佐治決河在涉南

籬成

雨蒼復往盤山別業

次韻丁松生徵君和厲樊榭杭之龍興寺唐開成二年石幢詩

尊客遣妾戲作小詩調之

咏劉越石

出游

北地見杜鵑花

三月晦日獨遊東園折海棠一枝寘餅水中口占一絕

花落後

幽居戲作一首

趙新又太守六十初度寄詩爲壽

喜湛侯復來京師相見話舊悵然有贈

予與勉甫同爲主客署掾今年君六十矣於其初度作小詩以侑觴
前詩意殊未盡隱憂時事又有不能顯言者復書二絕

小園

觀園中草木

雨後欣然短述

送洪文卿閣學奉使俄德諸國

卽事漫題四絕

撰不倒翁

余秋曹是我圖

吏舍阻雨不得歸郊西草堂戲同亞陶君實作二首懷先塋

晚起簡老湛

不寐

送滿侯蕭寺已行矣寺中有一偃蓋松狀絕奇僧言數百年物也作一詩

題伯蘭宗室秋鐙課子圖

送黎尊齋重使日本三首

畢禽一首贈子培

夜中讀北魏書

偶成

自八月十三日河決鄭州奪賈魯河南流詔書頻繁出帑振災頻救在事臣工堵塞漫口敬述一首
尊客病起戲調以詩

觀融齋老人所作草隸

夜集

初入會典館口占一首

錢唐王郡丞屬題籌鐙課子圖

觀蠶池口舊胡神祠中所藏烏獸蟲豸數百具胡巫以藥絮裝漬毛骨未腐植立如生亦異觀也戲
綴以詩

又咏風琴

前侍郎瑞安黃丈示所作古詩兩章行氣雄直丈忠鯁之概觸境流露後世文士讀公集者覘公內

養之所存當增長剛氣敬題長句奉呈

黃丈作金匱馬烈女詩借題發揮刺時寓憤不僅爲爲烈女言之也孫太僕許仙坪兩丈皆有和作影搖勁折危然有傷世之意太僕丈解官後年垂八十優游田里不見十餘年矣鄉關耆舊之思不能已於言也作詩用黃丈均以爲撫掌之資云爾光緒丁亥仲冬月十又四日夜書

次韻孫太僕丈登茶山口占四十字付寺僧刻之石上

次韻至賈村看梅

次韻黃侍郎餉泉物

易實甫改官坂中口占贈行聊發一笑

中舍吳君一日見其狂歌燕市旁若無人戲贈

夜與子川吏部入東華門

直房小睡聞茶沸聲

重次韻

再贈實甫

寄均甫涉南

尊老生日

謝四圍

夢游富春山中訪紫閣隱者作

詩續戊

損之又損

偶咏虞仲翔事

託興

戲效陸體咏長安早春

崎嶇

題莊中白蒿庵集

歸善鄧公蒙恩解官養病述一首

卽事

偶見小院巢雅戲賦

兀兀騰騰

綿綿穆穆

漫題

改兒子梁肅句

追感興化先生

伯訥兄枉過茅堂有作

春露園桃將放

題仲弢所藏跨虎仕女圖

清曉行小圃中寓興

續前作

閉關

擬作游仙一首

戒九弟

連日得雨呈括蒼趙先生

寄題里中舊居二首

園中花時招集鄉郡友人真酒徐戶曹有詩見示因答和

題畫柏

三月二十八日蕭寺餞別

鄧公瀕行以所乘驢見贈不意驚逸覆車老僕王姓猝然壓斃於其產也哀之以詩

戲書

送西僧華蓋

奉送黃丈典試閩中感時書事有述二章

送夢華

天台藤杖歌

簡繩庵丈

圓枕贊

方牀詩

鼎父所留坐具

雨後納涼

善果寺

人事不齊

頗饒

蓼花

有一佳書爲友人借觀失手漬水所澆戲咏

秋日過灌畦翁

偶寄括州山中隱者

龔儀曹同年索和

睡起聞茶沸聲

上蒿隱先生

欲雪

尊老生日

過水月庵有懷姚鏡塘先生

最愛

歲除

詩續己

偶書絕句

簡子培

正月十三日舉一女

畫蝶

自嘲

寄仲修三首

聞白雲觀集

偶書

直房小憩

湘翁贈阿育王寺常住田碑卽用于使君范處士唱和韻奉謝

又惠佚老堂記及米書拓本次前韻

春晚

嘲江荔香入場

咏錄公晝睡

金闕

追懷融齋先生

問嬾病嬾答云

三兄餉子陵魚寄二絕

題陸放翁先生小像六絕句

新種樹

自署云瀨鄉支離之叟

雜興

陶文冲作壁窠書遣我賦長句爲謝

送松岑南歸省母

送黃公度再遊歐西絕句十首

單學博有詩戒予好用彼教中語次韻答之

天向曙

楸花

十刹海稻田

端午

觀物簪棗花未落

久旱五月十二夜始得雨

王修撰張分巡招陪少詹李文通政黃丈蕭寺讌集時王君將奉使嶺南

戲題苑門外托托壁

華嚴庵中有逃虛子像

寓言

寄鄉信

觀物

訓文道希二首

六言二首

僕性不能書近見鄭太夷所作艸隸洒然異之充其筆力猶追風之逸足不至懸圃扳桐不止也有

贈

雨中移竹

感寓

雨後郊行

與嵩隱子培再同緣督夢華佛青宴集葦灣泛舟觀荷

又至南觀音寺小憩

送華農典山西試二首

盆池一蓮開四花重趺千葉有異常狀作偈頌云

以詩問仲弢近業何事

倚仗

積雨

送張鶴青入蜀

曉霧

里人驅疫

華嚴海

八月十六夜望月

小園

將曉起坐

復葺西齋整理書架連日勞倦拈筆戲述

直晚

池上

夾竹桃

詠史

對月思黃丈

層城

重九前一日作

陶隱居

贈那祠部

戲呈崇員外宋水曹

砭交

哭趙新又太守

主座阿魯特文山先生壽壽詩

又代

送同年高舍人歸杭州兼懷仲修

寄孝達督部師

夜入掖垣同葉吏部作

同宿調何主客用前韻

削迹

孤兒行

夜讀寒山大士集

又錯用前均

大鑒真空禪師贊

尊客生日

歲闌戲題

詩續庚

集句

爰居

春城

上元立春日

早衙

見禮官牒預傳正月二十六日太和殿筵議

答和子培

漳浦黃忠端公斷碑研歌

梁屯田挽詩

二月廿九日尊客齋中宴集伯羲祭酒出睢陽五老圖共展觀之以聞多素心人樂與數晨夕分韻

作詩記歲月予得素字

題天台王水部彥威之母夫人秋鏡課詩圖

答松岑問近狀

遲菴公生日

王翰林校集古今輒研文得數巨册屬題

相國張公八十壽讌詩

哭施均甫

木槿枯死

漫語

慰鄭蘇龕落第

張季直將南歸

今晨追送不及悵然作詩

從弟北來談里中事

砭五龍甘臥法

鼎父山長自嶺南遺予一硯卻寄

戲簡法雲上人

大雨後

寓廬爲積雨所穿損短述

與升吉甫劇棋

簡蓐老

陪納言黃丈生日宴集紫籐精舍奉贈一首

讀法言一首

奉題山陽丁儉卿先生小照

禁夜

蓐老枉訪值予未歸次日戲呈

寒夜獨謠

偶然作

陸賈

右軍

夜聽十一從弟談鄉事

傷逝一首

爲宗室竹坡侍郎作

答雲門

向子培借陳茂碑搨本一觀

王可莊出守京口

太室二首

夢還富春山中作覺而足成之

再和雲門

冬夕

東林

題長沙瞿封翁自濟圖

圖中自寫少壯老三身共操一舟野逸之態可掬子久學士之大父也邵子詩也能康濟自家身封翁命圖殆取此意

又題瞿太母湯夫人分燈課讀圖

西郊賞雪

晚攜酒過薛十八齋中飲

奉上榆園三兄江上幽居

過都虞同懷洪北江先生

省夜

讀朱子行視武夷精舍詩有感

侍御李愛伯先生同年樊雲門令君連枉佳章齊混沌於蛾眉驂跛足於綠耳賤性繆迂素畏標楬
獎借非分祇增顏汗篇中之意焉敢違荷顧雅命不可以虛辱也勉竭蕪鈍仰答至言聊以拾礫

竊附後塵云爾

鑑園有小水流入十刹海隆冬不涸不冰亦異境也過而樂之

詩續辛

庭花

人日括賀方回詞意

春風一首

謝蔡千禾同年

即送其赴蜀中俸

一霎

仲弢太右初度以小詩奉侑

恭閱慈禧皇太后仿世廟書蒲桃御筆

恭閱聖製畫竹御題曰雲痕煙影

戲咏肺病

禁中早春

上燈日

鶴鶴眼研銘詩

月夜遶景山下詣苑門

小壺天

十洲槎臣同日朝正西海子恭記

春日偶題

二月七日雪陡寒

夜坐

古意一首

喚起

桃花將放

雲門將行戲作俳語送之

人事

柳

晝睡

寒食前三日作

追悼季妹

到處

雨

再賦柳

落花

尊齋奉使日本還朝因贈

尊齋前後見贈徵君鄭子尹先生遺書再答謝

又謝遺倭刀

一指

託迹

蕭寺一首

係同年黃再同編修作

壽長沙徐耘渠駕部丈八十

觀物雜題

玉河

覺衰

未遂

題翁大令長森貽硯圖

書所見

積雨後作

雨歇

老城根

寄鄭蘇龕

籬落

送潘伯馴同年歸櫬

訪吳子修

淨慈上人渡海來請敝內府藏經將擔歸杭州受持流布其意甚勤同子脩太史作五絕句贈之

賦得聞道王城最堪隱

賦得萬人如海一身藏

調李侍御

戲贈宋養初晝睡

夜坐望月

送葉緣督太史還吳中

致仕瑞安黃丈壽謙詩十有四首代

濮母林碩人挽詩

壽譚仲修同年六十

聞伯希作西山之游

憶山中太和潭精舍

前明俞莊襄公譜書處

咏袁白燕

侍郎李仲約先生視學畿輔感時述事奉呈八章

詩後又題一首奉寄

再咏虞功曹一首

賀藥翁得一子

掖垣望月

看鷗波亭圖

管道昇畫竹

咏壞色古畫

耳鳴

冬晴望北山

吏舍西垣下老桑樹

碧城

上孝達督部師

題會稽王孝子髮冢銘石本後代

枯樹詩

喜朱二屯田見過

歲暮上李端公

舊林君四十初度作詩示之

又題六言

新年試筆壬辰

早春鄉思

第四歲日再過神武門托托小憩

懷朱鼎父時客授廣州

寄雲門秦中因效其體

寄屠梅君侍御晉中

人日

湧興

風定後

戲贈黃山呂居士

思爲退谷之游

在臥佛寺南

尋春

示兒輩作文法

君立善相馬頗聞畜善馬十餘頭乃絕塵之品也作詩闕之

菊潭行

詩續壬

出門

紫闕

張乳伯場尹行乎來都下夜造訪之有作

次韻乳伯見贈

乳伯又有詩來再答之

題白下駐防炳煦村司馬重遊泮水詩冊

六月六日喜雨

小閣

寂照寺有牛車曰陸地慈航富陽相公遺製也敬讀以詩

喜雨佳晴詩

池上

夕坐

覽郡志

荷花

偶書

野望

舊林諷經

七夕詞代舊林作

和

次韻朱楚白常博珩報罷和子落卷詩

辱和再答

跋殘帖

楚白復疊前章韻挑戰再奉和

戲答楚白

詩後又題一首

追憶劉中允師栖道院日事作詩

寄輓歸善鄧公

送屠敬山太史南歸

苑籟桂花

小瀛巢不寐作

贈承子瑞曹郎

寄題白雲源中村舍

談問渠戶曹面南下窪起樓三閒可以眺遠索題句

和陳雲泉賦得村落通白雲

和五代楊少師花如覺性圓詩

謝王葦塘大令餽丹沙

題蘆林君仿金孝章畫梅花

九月朔日獨遊天寧寺

題點蒼兩石屏

次韻答諸遲菊同年

失馬戲作絕句

答劉默庵何霞客

題江子屏小像

戲爲絕句

牆棘行

答星吾餉貢橙

詩續癸

和麓泉用玉溪生韻寓意之作

遲庵公在休沐中數月出示散花圖命題

久不歸禮掃先墓書示弟姪

宿留

頌篋笈

題竹柏圖爲江節母壽

蕙嶺雪山閒界務未定楊莫裳侍御宜泊
奮然請行戲作詩趣之

憶舊山

欲倚

題友人丈室散花圖

小瀛巢仿半山
老人作

蒙恩擢爲鄆郡監司敬述二律

春興

里人篋新笈示一札

悠悠

答永嘉徐戶曹枉投之作

久瀾

春遊漫興

漫書四絕句排悶

集句贈宛陵進士呂槿騰

將泛潞河留別子培子封

答子培枉示之作

荒村

晚至楊村宿

感舊

有懷海南潘孺老

陪淝陽使相讌集之作

道中書所見

車中望西山頗爲薄雲蔽虧不甚明了

過野寺用前韻

漫興

題傅笏圖爲翁弢夫閣校作

致仕前侍郎黃丈李侍御繆太史盛祭酒沈秋曹王樞部諸公先後在城西祖帳爲平原十日之飲


率賦爲謝

留別小瀝巢

題陽明洞天圖

元人黃子久畫

別園中草木



安般篋集

詩續甲

清 芳郭鈍窆袁 昶著

徐柯墨寫牡丹數枝及行草書乙酉

鳥啼欲呼春。林塘未迴綠。冰池寒尚擁。花窖煙方續。淡日下東窗。傾城睹芳躅。春光青黯黯。潭池交枝玉。磅礴想脫巾。禿翁東海曲。徐自署東海一老。忠節公諱研中。子明亡不仕。繁華胸已淨。久厭凡卉縛。風姿邈已緬。生絹裁餘幅。誰謂寸心妍。朱顏似枯木。

小徐冰雪顏。大徐槁松枝。二徐工墨戲。未若草草奇。驚鴻斜復正。瘦竹搖離披。家國有餘哀。何心垂文辭。古來驚絕藝。往往遺世人。眎身久蟬蛻。賸水殘山親。哀樂隨所寓。爛漫一寫真。寂寥二株園。玉骨已成塵。惟餘者奇者。醉墨寶遺民。掃除雪色壁。剝落溪藤皴。

東園十二韻

強學忘機者。斯人政未忘。散衙欣寂坐。小立傍幽香。林缺亭孤聳。龕明月半黃。池篔掃陰磴。簷鐸語風廊。小洞苔成字。方邱石作床。枯松穿檻入。翠羽擇枝藏。澹夕觀基旨。慵朝叩藥囊。不知晏近市。欲禮蓋居堂。白日動幽興。青春抽野芳。人從諛蔬壤。天與借蘭房。削迹心還淨。無營味轉長。何論工柱下。真欲老聲郎。

山雞行

君不見青邱雪落何皚皚。山雞赤羽大毳毳。腹背之毳生六翮。昔何軒翥今摧頽。餘丹漫欲舐黃爵。離間決起搶榆槐。當時謀取鷓鴣窟。呼曹啄粟成瓊瑰。一朝紆干新凍裂。危巢秃樹淒以哀。嗚呼風力積不厚。扶搖竟難待。翰音升青冥。來者可以戒。何如十步一飲礪泉甘。栖息山梁花雨覆。麩麩。

春風

春風十日未尋芳。乞得閒曹作病坊。時有鵲銜花一片。空庭飛墮野梅香。

梅

虬蟠鏡屈三寸。夢醒香寒一枝。翠幙遮風密密。遊蜂也未會知。

龍女圖爲黃仲弢題一首

圖爲姚梅伯作

姚君拄腹餘一奇。攜灑乃出天人姿。洞庭蕭蕭風滿旗。千山葉秃紺髮微。凌波出浴氣森霏。神女自著六銖衣。急逢龍背且須鞿。夢雲笑電紛掣隨。凝妝靚飾曜倒景。驚鴻蹴蹋四圍瀾。汗青琉璃口脂新。賜水晶殿。弓韜下胃扶桑枝。東朝海宗西戴勝。鼉發鳴谷昏瑤池。有如赤松無特操。隨煙升降將何爲。荆公詩。赤松亦自無特操。上下隨煙何慳慳。固知墨客偶遊戲。託彼荒忽騷歌思。倘令毗邪長老爲說最上乘。定復稽首人天師。朱顏玉面終古不可皺。金骨一變天門開。闔能爲雌。我今亦作荒唐語。蒼水使者在何許。四溟毛孔不可攝。波母之

山天坼柱。時台北久困。兵事相持不決。東皇虛擲八千饒。玉女投壺頻復怒。妙畫通靈百恠生。錦囊收取黃初平。君家雁宕第幾重。幔亭張樂上有羣仙迎。且攜素手朝真去。洞觀三淵收視聽。何用腥臊戲赤城。颯然彩伴追嫫媿。

除酒

久拋鄉店梨花釀。但覓長安麴米春。試救廚人斲龍鮮。何妨老子漉烏巾。能容白聖於吾厚。未典黃衫不算貧。更作勝書供一醉。接籬倒著過西鄰。

租花

兀兀牆東充隱身。蕭蕭分得一叢春。春猶駘宕頻籠火。老更疏狂滿插巾。小廡聊容高士寄。園官不厭長公貧。青瑀乞取東皇勝。便喚流鶯與結鄰。

哭叔遲

卜鄰湖上徒虛語。校錄竹西迹已陳。平生篆刻有著好。豪楮俄化爲煙雲。風定軒中一迴首。春禽格磔那堪聽。

慰移華學士左遷

舉手不須向左。搗床浪指枯龜。世上蒼通棄去。養空得善者機。

三李君詩

徵君不可作。作人無町畦。銅渾寫洛下。松塵落曹溪。元風一以逝。桃李無留蹊。惟有城東月。長照玉河隄。

李迎叔

徵君

早挾奔騰氣。晚饒磔磔節。湟中千丈松。天山一片雪。談笑鑿凶門。收身成隱逸。欲以不材全。還肱壯游策。

李雨蒼

都護

藤花落幽榭。風葉拂虛幌。中有澹蕩人。放目空翳障。人生亦有涯。大化劇流浪。挾册駐朱顏。誰知井丹狀。

李尊客

塞耶

誚希夷

希夷自入張超谷。一枕蒼騰五百秋。多事猶嫌開口笑。浪句束帛到林邱。

訊李臺郎家梅花戲呈一絕

遙想梅花丈室圍。外廚煙冷未晨炊。詩翁老去風情在。自汲銅餅養折枝。

漚篠夜坐六言絕句

枯坐藜床六尺。青繩一抹春煙。此即著身巖壑。何須白足尋禪。

不論夷吾江左。無人能泣新亭。只有老楸堪語。挂著寒雲兩星。

壯士龍沙已矣。邊將楊公玉科有平瀆功。曾記其所歷軍事。本末。介人屬予序之。今問死綏關外矣。故人螻臂偏枯。謂雨平生劍客都盡。李蔡徒垂曼胡。天甯醉割鶉首。人自坐困壺頭。關輔蕭蕭春色。喚誰填石東流。

次韻蓴老陶然亭小集之作

一洗馳驅十日塵。蕭然野色界城闔。何當七澤三江客。同作煙簑雨笠人。散論新辭郎署長。君將遠乞長告。華風重話玉關春。均父自疏勒從軍歸。無邊物外真游適。不待柯亭理釣輪。

雲海二首

碧城空際雲成海。崩嶺坡陀各異觀。倘入雲中雲不見。天風吹霧著衣寒。溶溶雲綻碧天衣。林影晨光遠入微。若與赤松閒賭賽。子乘風我抱雲歸。

看鶴銘

偶來械械眠酒室。臥看蕭蕭蛻鶴銘。石泐紙癡煙霧駁。幾行華月綴疏星。

吳筠軒觀察年八十餘重游泮水索詩作三首

尚書持節碧雞鄉。羣從清標奕葉光。作草翩翩供內制。含香的有仙郎。隨園南苑行騰紫。剖竹西山傑閣蒼。老去巢痕懶迴首。惟思橫舍讀書堂。

鼓篋名場發軔初。鬢毛如鶴禿中書。春婆舊夢天辭表。夏課新編手揭瓌。看竹閒攜藤策策。放魚罷貫柳

疏疏校官弟子銜重署新輩爭扶上笏輿。

友人爲說阮公墩九叩樞星石闕尊。

昔在竹西。柳實叔先生年八十四。丹徒學官以重釋菜澤宮請。先生不聽。既而語予曰。阮太傅重游之日。以會典不著禮節爲疑。命門生議之。旋以校官前引。

在樞星門外階上。行三跪九叩禮。某不審應在階次第幾級。倉猝無人議之。故未往也。此一事可見前輩舉動之慎。

治行吳公今第一風裁柳叟喜重論。芙蓉鏡老春衫

皺杏樹壇高禮器捫留待八年鳴鹿賦。

君壬辰登賢書。屈指將重賦矣。

駐顏法酒醉千樽。

吏不可爲

朱墨紛紛動費旬空勞繫縛句文身不如一掣曹溪棒足下生駒踢殺人。

偶呈施均父

平生雅恥韓生笑惟愛蕭閒鶴在林萬里故人開口笑一官沈陸閉門深蟲魚生死枯竹裏雲月建除丹壑陰半斷松枝礪底綠春風無事莫相尋。


寄丁徵士一首

稽留山下君卜築嚴子祠前我欲耕。瓊瓢挂林風歷歷煙艇吹火星煒煒菹材不辨越兼魯弓失那知凡與荆可許陸皮追唱和松陵笠澤門閒情。

失題

禹甸神皋孰與齊牧牂旋覺岱宗低雲生赤岸三山幻風起青邱七聖迷銅柱豈堪無一尉金城從古少

九泥蘭陵破陳何人奏縛取名王舞白題



安般彙集

詩續乙

村叟既託友人詮次平日所爲詩得十三卷乙酉春暮作析津之游逆旅無俚傷時恹鬱儻然以斷縑枯竹自怡復戲編近作爲一鉢集村叟有從兄曰義庭先生鉏藥引泉葦山自隱嘗夢村叟老禿爲天目西庵老僧因笑語其弟曰汝二十年來一餅一鉢亦垂垂老矣復何求於世哉村叟敬應曰然有是哉此集名之緣起也光緒乙酉初夏

階下海棠花盛開偶成一首遣興

時在析津行館

八年蟄臥闕京國一日飄然忽東出。踢盡黃沙白柳隄。兀兀征鞍去如失。出關何處見春色。鼓吹喧闐千騎疾。巖城海市雜氛侵。警賭名花轉蕭瑟。玉顏噴酒暈微頰。金屋無風欺弱質。紛紛蜂蝶不敢到。那有花房引厓蜜。何人避世海棠巢。綠鬢方瞳隱丸橋。西紅海波雖稍靜。東王公曉憤猶溢。春愁浩浩讐天地。花氣沈沈侵卷帙。卻憶王城三月尾。妝林纈地情何極。名藍極樂花之勝。皆寺名大隄士女如雲出。河山歌舞仗誰復。餘生欲見開天日。幾時歸約故人游。花下狂歌倒千榼。

輿中口占

榆莢初齊柳未花。九十九淀水平沙。黃魚玉糝萋蒿短。遙指青旗賣酒家。

路遇海光寺僧戲作

八風吹汝閻浮去。半偈曹溪日用新。荷葉濺波終不溼。桃花作飯轉成塵。戴雙蓬累青山曲。

荆公引史記案隱以蓬累爲笠

也。今注無此文。

汲一軍持野水濱。閒策瘦藤看落日。何須更覓避秦人。

喜晤趙桐孫太守高仲瀾觀察有贈

十年奔走各殊科。一笑相逢鬢已皤。莊語未能迴世濁。危機莫使損天和。東游欲泛三山棹。北望誰爲五噫歌。坐約使君張水戲。萬人建纛伐靈鼉。

次韻答桐孫見贈長歌

異時浪笑劉原父。能說山川胡敢侮。空稱駁馬食於菟。未返燕雲六州土。南朝館伴蘇子由。亦屈鏡材持作俎。差幸平生賦茯苓。林牙動色能誦數。豈知時局與古殊。伏卵雞材何必魯。侏儒無復霸朝臣。峨冠恥入文身戶。況予執戟聊代耕。那有雄談諧虎鼠。軍諮浪逐雙星出。郎選謬承三府舉。鶉頭割棄天甯醉。蝸角粉呶神欲吐。可憐西海銜微木。猶勸北平穀彊弩。強持渾酒一頰顏。誰識口中生闕苦。天水郡將吾故人。耦耕相招溺與沮。囊穿餘智猶足辦。避世一邱差自許。安危自有謝文靖。竊學羲之報周撫。但道田閒種果書。約游汶領峨眉宇。

原作

趙銘

昔聞乘桴歎尼父。能治國家敢予侮。纔看頰谷卻兵劫。頓使汝陽歸故土。後來嶧山斥儀衍。小儒疇復堪樽俎。誦詩專對謝不敏。從政斗筭焉足數。男兒墮地懸桑弧。束髮便令讀鄒魯。但教一出平四國。終勝捉襟守蓬戶。晏嬰舌詆荊國狗。臧孫目笑齊侯鼠。捧檠叱隨毛生敵。擊缶書爲相如舉。扶危須仗凌雲才。袁絲懷抱向誰吐。立馬恥食三品料。射驥思轂千鈞弩。可憐時事益艱虞。節錯根盤意良苦。分憂未忘多壘恥。尋盟肯說登壇沮。日中以爭至於昏。僑吉相尤竟如許。莫嫌烏裔恣馮陵。終仗廟謀工鎮撫。他時飲至碧留犁。一笑無塵對寰宇。

重黎津門之役。愷思鬱鬱不自得。故作此慰之。

桐老疊韻以近事見嘲有修羅設會主賓倏聚之語因復次韻答之聊附應閒之義云爾

欲扶日轂鞭夸父。幸免波斯賈胡侮。醉持服匿睨狐穴。一片紅氍遮羸土。既非四種阿修羅。亦乏偶蓮并奇俎。千枝火齊燈如晝。異草奇花紛可數。蒲桃酒醲珍珠紅。莫笑圍邯由薄魯。座中蠻語一參軍。萬里跼齷懷北戶。世事轉綠更迴黃。有似黔驢門梧鼠。珠厓議罷躡捐之。丁零欲案追文舉。強師苦縣欲爲雌。肝肺槎牙艱一吐。易州老守忽騰笑。曷不張汝大黃弩。狎虎如瀛古有之。使鷓嚇鷓毋乃苦。答言詘信非一塗。茅靡偶爲時所沮。康成差差逃行酒辱。陽貨聊復饋純許。麝提中含一切法。欲噏先張掌還撫。惟愁詩將戰頰挑。迫窘幾窮皺眉宇。

原作

趙銘

宰獻廟安嫖嫗父佛狸乞酒遭宋侮誰呼下馬令公來銀杯在手爭酪土本無戎羯襲冠帶那有猛
虎窺案俎琉璃割匕浸蒲萄脩聚主賓紛可數就中鷄鶻眷屬各攜犧象分齊魯錯疑妓樂合東
山直門酒兵吞北戶爾雅四極之北戶即古交趾戶曹對此顏爲頰誰向鷓鴣嚇腐鼠一石能飲太滑稽千金爲壽
徒豪舉朝見雨雲恣翻覆暮隨煙霧相吞吐熱灸甯隨襄主斗危機恐伏眉珠弩海鷗狎視雖無嫌
童叛醉罰毋乃苦我笑英雄並兒女騷人豈爲壺觴沮修羅苟不弄戈甲設會無遮佛亦許況今聖
人奏雲門西海鱗臣並就撫角上蠻觸何足論曷不返游化人宇

陪錫尙書鄧鴻臚游賈家沽觀機器廠用前韻

滔滔何以閱衆父利器深藏疇敢侮風后長聞工握璣媧皇今復陶黃土尙書胸有千甲兵堂宇雄深辦
尊俎鴻臚氣與嵩洛秋括地掌螺紋可數東臨碣石攬滄溟北學夏峯化椎魯方今天發龍蛇機交州陸
梁敵開戶塞河一蕘防穴蟻購弩千金思射鼠機春制拓杜預規旂動疏還賈逵舉風輪三十六鱸迴紫
霧炎煙相欲吐公輸九距蹴旋梯葛亮連珠藏暗弩漫云禮失反求夷須識器師心獨苦諸君各抱籌邊
略謂董其役者潘梅園吳薇隱兩觀察趙桐孫太守長轡甯爲丐阪沮手清萬里編肘候心在一邱協唐許劍池霜淬鷓鴣寒天廐
雲騰渥注撫會當洗甲挽銀河重譯敏關朝玉宇

謝李方伯送酒二巵絕句三首

壺邱心似溼蘄灰，靜看爐煙戶不開。豈料青州兩從事，破除禪病斬關來。

使君昨夜醉如泥，差幸門無醉尉譏。更欲從公乞泉乳，剖分鈞突碧玻璃。李官歷下最久。

題糕簪菊作重陽，長憶公鄉老侍郎。記壬申秋九在白下。從吳竹如先生讌遊事。知否南宗一勺水，爲傾重碧漱甘芳。

和周使君

九衢塵滔滔，橘枳桂爲薪。亦有野鶴姿，蕭然出風塵。吏能絕精敏，餘事搜枯筠。始知守道者，不以俗喪真。何處非定性，萬象皆爲賓。欲迴鳥索秋，釀作羲農春。君家九華曲，盤根聳嶙峋。崖林張紫髯，未到發興神。貽我遼海圖，一一襟喉陳。袖中有渤海，眼底羅星辰。看君笑談閒，指攜狄鞮人。功成拂衣去，穿鑿溪堂新。子騎琴高鯉，予亦烏角巾。田里有至樂，老作山中民。

旅窗聽雨

蕭然一榻西窗雨，兼送東鄰寺裏鐘。今夜長安兒女憶，數耶獨宿潞河篷。予前日作書示家人，云將泛潞河而歸。

故鄉聽雨人都盡，飛閣青林沒晚潮。聊發少年狂意思，海天散髮獨長謠。

西沽泛舟

散髻陪勝流，扁舟發孤興。冥冥一川綠，風木激清聽。曲紆大河合，斗錯碕岸迸。井落隨處成，茅簷互陵映。

水南高敞地。略約通一徑。森然入武庫。松陰覆羅磴。脩脩蒲柳黃。晶晶溝港淨。方塘可垂釣。天光吸雲鏡。奇景傑開收。一攬萬化勝。到此澹忘機。白鷗洗心性。大制貴無割。利器藏不病。朝有杜武庫。太阿斯握柄。區區歐薛工。瓊瓊浪譏評。甲數水犀藏。刀以定秦姓。以之毒天下。豈卽沈災禁。欲迴東海濤。瀉入流杯澆。朱義行上道。玉燭神化疑。而我樂歌呼。芸生各安命。超然作幸民。何必句漏令。隨處營丹沙。千潭石淙觀。逍遙六七公。同趣應可證。語罷舟遂迴。招提夏煙聲。

登西樓

四月春猶在。飛花落地輕。曉看津渚白。氣似越山清。野色平分檻。河流曲抱城。無機成旅逸。浦樹亦含情。

卻掃

龜堂老子似僮荒。卻掃無塵世慮忘。風颭槐陰圓不定。泉分井甃冽初嘗。擣腸紫萁知鄉味。敲眼青藤漏日光。轉喜客中生事儉。枕痕著面膝穿牀。

夜聞吹角聲感異

角聲非徵復非商。夏夜城頭秋意長。既不聞佛狸吹唇動地至。亦不聞垓下四面雞鳴歌抑揚。又非漢女鳴葭十八拍。毋乃大秦氣出唱。嗚嗚酸鼻來股牀。軍中自有鏡吹列雅樂。胡爲乎兜離傑侏牛鐸。干蝸簧。徒使青楓林深射工匿。白日色淡山魘藏。天池水怒盪營魄。異魚出曝聽低昂。放臣歔歔寡婦泣。頽雲離

披天雨霜。蒼海無端岸自圻。老夫不覺神內傷。何人學禮向淮陽。無復樓艦出句章。六軍蟲沙同日化。九關蟻蝨醉未央。避風爰居亦何樂。不如羽人腰篋去。飛傍南斗開天閭。竊聽鈞天一曲風浪浪。

漫興

自笑平生履險巇。晚來蝟甲翫枯枝。夢迴猶作驚濤洶。碁罷都忘歷劫危。沈陸宜僚瘖入市。罪言杜牧鬢如絲。樵風敢乞東皇賜。明發扁舟信所之。

四明誰信客非狂。物外應尋服食方。珠樹幸無巢可泊。金魚欲換醉爲鄉。暫依玉節觀瓊島。旋挾金仙拂石牀。有約移家全入道。華嚴海色泛清涼。

謝人送羅浮竹扇江鄉枇杷二絕

羅浮道士縛青竹。付與仙官作扇材。脫手蘭陵祭酒贈。虛窗松下有風回。

回首家園樹樹金。函封百顆久沈沈。何人挂席筠籠致。想見穿林摘露深。

寄仲瀛

靜中每復思良友。欲借山窗對榻眠。素食無才濟時了。元亨有約懺塵緣。林園樂事誰能說。濁世機牙豈所便。待訪先生中隱處。疏鐘隔水起蒼煙。

江眺

弱柳黃蘆遠似齊。人家高下占園隄。河豚上市應應美。橋燕衝波去復低。岸接白沙晴澗雪。田生蒼耳坵無泥。祠官禱雨澆銀甓。萬里無雲日又西。

簡同年張吏部

倒冠落佩幸無嫌。日飲亡何酒令嚴。怯事真成齊客贅。忘歸豈待楚人鉗。公家霜戟門羅雀。吏隱風流竹上鮎。差倚豪情鬥強韻。不須綠鬢伴衰髯。君桐城人。文端相國弟孫。常獨居道院。故戲及之。

丁沽

丁字沽頭船不歸。瓦南街裏絮忍饑。恨無佳客同醒醉。遑問金庭有是非。吳下蠶眠桑葉暗。漁陽龜坼麥苗稀。老農淚入枯腸痛。風捲蘆棚生事微。

憶定林寺

何日雲山深處歸。黃精劇取慰朝饑。樵夫漁父同醒醉。石室精廬少是非。山雨森霏黃櫨長。江風浩蕩白鷗稀。定林長老吾能識。磊塊無言叩亦微。

謁故人王璞臣令君祠堂

光緒初年。宰天津縣。有惠政。

平生講學今何處。蹈海移山首重迴。天未冥冥期獨往。鬢毛故故畏相催。東方一士蒼顏古。岱竹孤生鐵笛哀。碑石未礪先墮淚。那堪衰疾更登臺。予欲撰君事蹟。作碑未成。

贈家敬孫通守

層城歌吹喧華屋。魚鑰朝開夜不訶。獨有韋公懷自抱。夢爭漢室近如何。衡門對雷他年約。碁局中心積恨多。白日幽州雙鹿屨。煙波甫里一漁簑。

李方伯挽詩

君諱元華六安州人同治初佐令相國李公勗立淮軍著有勞績後坐事免官

幾日萍蓬數面親。電光收取剎那身。飛觴北海泓崢座。送酒東籬澹宕人。榮落蒼通真可棄。蜚騰戰伐夙如神。矩衣射虎俄陳迹。不用人間醉尉瞋。

喜雨

四月十九夜

坐視焦原劫。龍神社鬼瘡。今宵逢快雨。灑潤到園林。氣挾雲雷戰。仁知天地心。無田吾亦喜。破睡盼沈陰。

一瓢

一瓢一笠醉騰騰。行脚前身食失僧。莫學支公心不淨。然和一念逐秋鷹。一笠騰騰又一瓢。殘山賸水日蕭蕭。思量更折寒蘆渡。卻被浮槎阻晚潮。

莫嘖

莫嘖詩老陸龜堂

放翁先生以名其居

只共漁樵說短長。日鑄半甌南埭汲。風漪八尺北窗涼。何人追論維州沒。誰復推誠悉怛降。無物眼前供一笑。殷勤紅藥繞階香。

析津武備院故皇船隲之基趾也新作高樓登臨慨然敬述一首

樓船親御憶仁皇。習戰昆明事未忘。長遣駿圖懸應格。勿令龍鳳翦爲荒。市聲慙激浮煙霧。閣勢飛鳴倚混茫。待看相公攜白羽。汗流鞭石會成梁。第四句用郭景純語。

合淝使相招夜讌卽席作

氣懾扶桑早挂弓。清宵開閣幾人同。初筵絲竹凝雲遏。列校麾幢蓋海紅。分陝黃圖長拱北。伐宛赭汗又徠東。還持酌地銀杯灑。一遣諸蕃拜令公。

上榆園三兄

山樓環翠瞰平沙。背郭臨溪路入麻。卻憶清明楊氏隲。酒船滿插杜鵑花。

上義庭兄

書來新作白茅庵。汲水樵童時兩三。大布爲裁衣一領。山中苦笋約同參。茅坪耆舊彫苓盡。鄉曲兒童日夜新。惟有繡峯迂趙叟。還應說著遠游人。

留別仲瀛

海光寺外藍田水。綠淨沙明玉不如。茲水命名良不妄。故人抱槩得幽居。胸中一粟九雲夢。袖底三年雙鯉魚。何似孤山茅一把。臨磯對築小精廬。

西軒睡起偶成絕句

無心危坐學黃庭。門外煙橋接遠汀。睡起西園春已去。卻看飛絮度風櫺。

津門晤李蓴老

時稟官來主
問津講院

浩浩津沽塵似海。斜簪散髻又相逢。身如華表千年鶴。心在雲門一畝松。已薄東方高祿隱。還同元晏帶經農。後堂猶欠張絲竹。待擷菖蒲花紫茸。

寓館月季花盛開

客邸無聊酒偶中。鄉園春盡落花風。饒他爛漫紅千朵。不及醱釀玉一叢。

津門曉發呈節使

杏未肥黃麥未秋。微雲遠樹迂行驕。路逢隻堠兼雙堠。村喚晴鳩雜雨鳩。笳鼓訇天蒼兕譟。旌旗獵地赤鷹愁。此曹何似南征用。一豁籌邊聖主憂。

偶題四言

日中一食。桑下一眠。行時一笠。坐時一氈。不蜚於天。不翫於淵。老師柱下。炳爛陳編。

朝陽寺小憩

潭底黃榆綠更濃。過橋煙破一聲鐘。偶然敷席西齋坐。來倚東林寺裏筇。

翻翻高蓋弄新荷。散作珠璣拂水多。恰似道人忘入定。隨機所得是天和。

安平驛遇雨

雲氣離披稍出村。西來雨勢欲翻盆。行人莫惜霑衣溼。待看平疇綠滿原。
極望滂沱天四圍。籠東翠蓋溼金鞵。就中一箇狂標格。戴笠山人雲滿衣。

朱雲

懷抱鬱鬱向誰開。頭白朱雲豈吏材。此行直爲觀滄海。塵起西風障一回。

和桐孫贈行之作卻寄

幾年遲我飛霞佩。何幸霑君玉色醪。世事不須煩一呷。浮榮那復夢三刀。蘇卿且恥牛爲從。王令頻嫌馬作曹。但願雲龍相下上。不辭汗漫躡虛敖。

早發口號

欲問征夫路。蒼茫望不分。連林翳朝霧。秃岫隱頽雲。
此仿唐人句法。上句寫景。下句借喻。如微陽下喬木。野燒入秋山。扶藪度陽谿。窈窕一川花之類。麥隴晨
光潤。茅簷野語聞。倦游逢荷蓀。力穡媿君勤。

將抵都門

鳳城佳氣隔雲般。指點樓臺杳靄閒。林外孤村煙外寺。迎人一抹翠微山。

東廡卽事

雨餘屐齒印蒼苔。又見紅葵帶露栽。午枕風軒逃暑去。晚盤雪藕斲冰開。魏侯抱梗眞爲累。魯國剝皮待
被災。寂寂散衙清似水。笑看行蟻戰枯槐。

瀨上家書至報聶秀才亡感觸舊遊遂作一首書於紙尾

山中故人日彫落。招隱祇聞猿與鶴。溪水遙憐咽晚風。喪垓今已薶蘿壑。卻憶舊時巖下游。夕陽沙際盪
輕舟。捫苔石壁千尋上。大歷題名百字搜。危松煙深鶴雀語。古洞徑絕龍蛇愁。此時載酒傾匡下。風捲驚
濤兩岸秋。樵夫漁父拍手笑。古人佳句今人收。同游檢點今餘幾。江水潺湲日夜流。

憶昔一首

憶我七歲時。辟穀方浪剽。胡麻與黃獨。飲水空腹瞧。妄言人世幻。囚拘念輕矯。偶登白茅岡。撰仗嚴君詔。
開口成五言。曾索霽顏笑。九稔賦楊梅。強撫廣平調。頗驚長老座。似謂天機妙。十五補諸生。兵亂旋吽噉。
此離阻晨昏。燔掠傷邱廟。十八痛苓丁。鮮民疇辱弔。折翼失危巢。摧松有枯蔦。窮年走荒野。輓迹雜屠釣。
二十二三時。天牖鑿混窳。從師艤江涓。訪友陟海嶠。德人高平伯先劉融齋先鍾子勤先螢爝附龍躍。始
悟廿三前。不祥人孰療。誓將棄癡垢。漸欲探幽窈。導山瓠三條。杭壑源四徼。力弱涉逾艱。意奢獲常少。淺
鑒自謂深。鉛刀恥出鞘。薄醪自言醇。難供知者酬。冥冥但孤往。疊疊抱微照。積毀笑冥之。浮譽頭亟掉。正

邁出微茫。理策窮宵。竊世緣。輒熱和。誰沃陸。渾燒。百途付。蒼通。外物迫。煎燭。苟於得。喪明。甘守蓬。與藿。求
仁道。豈遠。積學規。徐肖。焉知二十年。生事困。難料。羈淮無。宿春。游薊冷。炊銑。坐落塵。網中。如綫自。縈遠。阻
予孤。往懷。頑鄙時。自誚。竊食。慙尸素。感時徒。擗標。朝隨雞。鷺餐。夕類屠。沽儻。落拓竟。無成。前修誰。復劭。室
中稍。羅列。圖籍氣。深縹。簷榆覆。疏疏。園石植。隋隋。以予顛。胸疾。舊業廢。誦敷。晨籛動。達午。夜寢恆。至卯。浪
送一日。光。甘墮十年。操。古言。雖插架。捐學久。傷菴。有如佳。客來。拒絕疏。饗規。主殊負。客意。旅庖無。美臚。學
治有。丹經。不能舉。其要。用戒予。志荒。毋爲小。儒攀。朝華悼。浮榮。淵默啓。神告。初服期。返吾。世羅勿。輕媿。誰
舉鴻。鍾撞。一洗蛙。鄭調。

次韻答王逸梧祭酒

前朝漢聖推。貢父。辯如歐。九猶。遭侮。自庵老人。誤續刊。那知劍。氣蕪。黃土。後來宗。匠復。誰數。長沙祭。酒操
鼎俎。周自庵先生治漢書。日積札記。至數
十卷。君選爲之。愈積數無涯矣。中郎獨。斷恣。爬搜。衛宏舊。儀粉。誦數。閉門不。出動。經句。經獄斷。漸削
齊魯。各來。剝啄。長鬚噴。公方。赤足。鍵兩戶。手生。皸漆。禿千。髒。詞決。嫌疑。磔餘。鼠。夜深。百靈。下窺。瞰。禮器。西
轡隨。聖舉。劉舍人嘗夢手執丹漆
禮器隨孔子西行。昨與。散官。角強。韻。羊酒。坐邀。雌款。吐。盆山。不免。喫。藤條。小陸。何煩。張硬。弩。歲
月如。流真。可惜。借璫。耗奇。意良。苦。眼中。擾擾。昨暮。兒。章甫。甯爲。庸俗。沮。發。擣。舊史。且策。勳。陳古。刺。今聖。所
許。蘭陵。將復。爲老師。五丁。開山。掌應。撫。願從。橫舍。抱遺。經。一發。天光。游泰。宇。君服闋來京。將復爲祭酒。於是
長成均五年矣。而不得遷。故戲

爾語云

原作

王先謙

下邳橋頭逢褐父，淮陰乃出少年侮。吞聲詘節化侯王，從古高材出泥土。爲郎執戟非不達，況復折衝預尊俎。但令豪髮裨國家，世態低昂焉足數。多君文章富匡贊，欲變蠻夷用鄒魯。邇來天意轉蒼茫，坐見藩地墮北戶。戎心狡啓窟營兔，將略空夸穴門鼠。清談晏坐彼何人，鉤撫微細徒毛舉。紛紛梁肉盡一概，鬱鬱胸膈何由吐。名章俊語發道妙，洞微有似札穿弩。萬象皆賓緣性定，一餅垂老知吟苦。昨陪使節析津遊，事祕莫知高論沮。歸裝賴有詩卷壓，不負此行差自許。朝衫莫學宏景挂，朱弦聊爲鍾期撫。較量千古定誰賢，仰慕青天豁眉宇。

久旱得大雨曉坐瀉窻作

地坼塵駭人，園竹作龜焦。長夏生物盛，如何含枯彫。前日汗流席，六合氣爲審。昨宵阿香怒，鞭蟄雷車搖。滂沱雲四垂，勢若捲春潮。甘霖疾傾注，瑤颯喧庭蕉。曉來開戶觀，階下洪河漂。其深可垂釣，溟漲攝一瓢。槐作新蓋翠，俯仰若相招。蜀葵自矜寵，離立呈舞腰。難雅浴毛嘴，鬪白路風標。苔滑不可步，荒池綠紫綃。我知四野外，農圃樂意饒。未得餅餌喫，黍稷弄新苗。卻防我屋破，檐溜啾且驕。紙幕或穿洞，古籍愁頻灑。閑官飽白粥，四壁日蕭蕭。戲作野菜箋，以爲龍鮮調。未知所止泊，且付新詩謠。

逸吾祭酒來詩有一臺二妙之句因復戲答

與公卜鄰朱鼎父。漂麥長遭女隸侮。撈句典禮並寒菹。氣挾天瓢傾耗土。充然瘦李出東州。謂尊客。百代臚

胸入雕俎。淡言日出皆玩世。時得莊語粲可數。二妙公能羅致之。那更捐書數伯魯。頻年筭漫羊亦亡。堪

笑居庫蝸戴戶。卻看桔梗時衰王。慎倒世情爭腐鼠。世士頌說國多儒。方屨員冠互標舉。一朝槁葉戰商

飈。剽盜虛名神所吐。方今起陸伏三機。四裔狙挾含沙弩。濟時待卜真儒出。權制誰知國工苦。湘鄉典刑

不可作。起衰勿爲流俗沮。何用蟲魚自困神。曾公詩。男兒讀書良不惡。胡爲文章坐束縛。何吳朱邵不知羞。排日肝腎困鎚鑿。丈夫求志動涓華。何用蟲魚自損神。先師劉中允酒後每

喜誦之。瑣細知非前輩許。挈之大道賴有人。勿使樵夫工掌撫。願聞衆妙歸一陶。拾級同游六經宇。

原作

王先謙

枳棘叢中走樵父。海棠獨笑誰敢侮。用東坡詩語。春風籬落見標格。不與凡材爭息土。李侯長安作中隱。

廿載高名溢觴俎。閑居氣壓萬家侯。僕遯諸曹那復數。先生羈棲意不樂。頃亦遲遲思去魯。文壇二

妙世所稀。不放銜書入天戶。固知得失互盈絀。幾見鷓鴣甘腐鼠。自庵老人負經涉。壯志肯隨黃鶴

舉。天公故遣疾相纏。妙理高文坐傾吐。小儒侍側竊餘論。力薄焉能張勁弩。未忘端木出梁哀。頗學

堯文霜月苦。齒牙獎成媿踰分。欲發狂言色先沮。有田便歸吾計定。年少弩雲漫相許。盛衰貴賤不

足較。近事澄觀掌應撫。絲能日飲更無何。問道時思就衡宇。

均父遺我新作橫幅紅梅一株枝老葉硬氣勢蒼古因題句其上

芒屨踏破天山雪。那有梅花宮樣妝。偶作疾風吹雨勢。頰虬鱗鬣照橫塘。
詩人氣挾酒如龍。萬里河源早洗弓。但有剛腸迴屈鐵。那知秀語鬪輕紅。
離合萍蹤十九年。一流將盡故依然。此花解脫冰霜劫。香徧華嚴卅六天。

和均父

君懷雲氣漫穹谷。我似沈鱗觸凍罾。稍出枝言驚俗眼。與酣逸筆殺溪藤。君連以畫梅
大幅題贈燈昏夜雨火變蓬鬢。
閣滿松風寫曲肱。他日小文煩點定。吟安一字更誰能。

放歌答施均父

憶昨湖上居。世事百不通。麗颺開菌閣。飛橋瞰長虹。連牆各自具風氣。天與兀傲忘人窮。君頤髡未生。我
少顏方童。登山捉貔虎。入水搜虬龍。有時穿林著屐屐。叩巖洞。欲訪隨煙上下之赤松。飢颺古殿寫佛語。石
龜驚走山精宮。夜登北山月。落湖水黑。藻荇粘天溼。天容碧。然長嘯百谷騰。自響。漁火零亂忽出蓮花叢。
爾時百事自謂能。鑿淺氣與江流東。豈知崎嶇浪走二十載。嗒然城南兩禿翁。施夫子。君持綠玉杖。西尋
雷竊海。我落諸曹囚。雞栖竟何待。技成空有屠鯨手。涉險幾遭羣蟻醢。既不能作陳子公。藁街傳送邛支
頭。復不能作申屠蟠。架樹傭耕匿文采。攜示崑崙邱上雲一囊。癖好晚餘文字在。君今頭白我早衰。濩落

都下重樊追平生。句臆暫披豁。握手相見無藩籬。丈夫身在要經世。豈隨流俗俯仰爲。感君鬱鬱梁棟具。笑我棲棲蒲柳姿。施夫子。鳳不遇丹邱。露零竹花實。龍不值岱宗。灌壇雲起時。且須齋養濯靈府。餐六氣而樂朝飢。鑄鑱造化著孤往。不以外物劇肝脾。何如十頃之陂。一畝之廬。臨碕穿築。種樹鑿渠。翳以篔簹林。於被以蹲鴟。雕菰杉松。離立若議禮。大臣冠切雲。而左右趨。荷蕖嫋然。若紅妝翠黛。啓皓齒而弄明珠。春弦歌而秋獵漁。左圖象而右詩書。觴豆堯禹襟桂黃虞。含德所被。爭席卜閭。飢兀兀兮飽肱。夢則御長風之寥寥。覺則攬白日以舒舒。與木石同壇。以鹿豕爲徒。餘舟及雞犬。樂道偕妻孥。噫。噓。唏。世喪道矣。道喪世。曷不歸來乎。先王之遺廬。六籍之元都。釋智遺形。而與子同游于物之初。

調朱鼎父

時君方草順天府志坊巷考

都城一炊費白玉。不噉花豬轉醫俗。年年竹筍賤如荻。呼奴曉致蒼龍束。先生每鉢常不足。齋已惘眈生民毒。揀時妙理漫塞胸。無所發言嗟世濁。坐令餘技搜方志。長安六街粉綺屬。箭張酒趙削不收。米祝花劉希見錄。壁空四立烏皮凭。長物惟有壁經牖。夜來風急雨如緘。欲捲紙閣茆三層。先生時作囊駝坐。宅神巷鬼不敢憎。故遣老槐張翠幔。洒然三伏遮炎蒸。此屋得編坊巷以君故。君不聞汲族多緣長孺升。

省夜

秋林夜黑鵲驚枝。殘鐙熒然蝙蝠語。攤書兀兀人籟寂。飛蟲打窗似風雨。

新竹

白業問三車，書齋陋少花。猶餘一枝竹，解籜慰貧家。

咏箍桶叟

心似萬年古井身，如絕巖蒼藤。食罷醺薰一炷，夢中三爻飲會。

偶然作

日不睹介邱高耳，不聞雷霆奔塞。其衆細流以歸，一原尊捐滌曹耆好。節序忘寒溫，鉤鱗出增淵。繳翼下重雲，深之又深而能物。斂之又斂而能神，君不見隆冬閉墊稿，落彼萬象。忽見艸木怒生，一花含一春。非至媿惡乎成萬物之實，非至靜惡乎發天地之仁。

伯蘭宗室戲畫一驢一車一奴星作趨曹之狀，意態栩栩，劇可笑也。爲題一詩。

暮投蓬蒿徑，朝驅金馬門。意惟東方生，兀傲不離羣。一羸鼈跛足，一車風吹帷。亦有劉更生，市人擲榆之。毋謂車兀兀，寒酸到人骨。毋謂車中人，勃窣非理窟。寒則冰生髭，喝則悶癢瘡。插版尻益高，捧囊腹恆飢。有時懷孤往，豈徒困黃衫。乘虛跨綠耳，造化日鑄錢。肯靡彼何士，釣築化龍蛇。脫輓笑奉春，租車嗤哇夸。要知天下事，萬端待經緯。豈彼高車客，尺捶足起排。迹有賤者絀，智非貴者信。四序亦相嬾，恃圭璧汝身。析糠以爲輿，名理洞窈奧。大地以爲輶，愷悌神所勞。黔首此託命，慎勿薄鬻羈。御者恥求去，一笑姑寘之。

韓公亦有言。味薄差自幸。心之潛也天。得內觀其性。被褐不爲損。三公不爲加。浮浮長空雲。且復窮幽遐。慎毋落吾事。君觀此謂何。捨車去相語。所得說已多。

贈張廉卿

雞籠山下十年別。已是蒼顏白髮翁。世變驅人戰冰蘖。古心何日放昭融。朋游寥落存差幸。辛未壬申間。白下所見。若

送梁節庵謫官歸嶺南兼寄潘孺初

人閒得失付雞蟲。欲斥豨苓覓國工。剝彼災皮求道適。乖於時命覲天通。自慚繫縛形骸內。何似銷沈文字中。欲語海南潘孺老。卻從何處望冥鴻。

題少司空徐公竹隱廬圖

公昔簪筆承明廬。金庭列燭治官書。青山激上不可到。心欲獨往夢遽遽。冷風忽送得異境。榜曰竹隱堪逃虛。覺來潭洞失所在。但憶石屋藏絲笱。珍禽穿林翠毛羽。惟石陸谷雄牙鬚。長安何處得物外。陸海塵漲吹轡車。十年位望致通懸。老厭玉帶懸金魚。籌邊指畫赤縣圖。驚吏抱牘階前趨。墨朱束笋紛滿眼。情僞百變艱爬梳。謝公碎金善付物。亭決疑滯無留餘。終然志在一邱壑。吳興城南天下無。童時釣游沙岸場。誰賞煙艇穿菰蒲。森森惟有手植竹。捎雲淖約臨清渠。公家楚金箋帖暇。招隱卜築窮朝晡。海中石龜

勝夙夢。追攝煙景生綃幕。張之京邸雪色壁。寒玉千挺蒼不枯。南垞北垞寄息壤。對此聊釋形神娛。達官更事時所倚。方欲折筮筭羌胡。汗青建取不世業。移山填海精誠據。豈如山澤一臞儒。青鞵布屨狴舂鉏。功成辭爵拂衣去。更向君王乞鏡湖。

送廉卿先生出都赴保定蓮池書院

世緣沈濁不須論。喜見寒溪老宿尊。偶杖青藤憩京邑。還歸白社息歎煩。竹花霜重無佳實。松麈壇高有至言。我亦蓮池舊游客。磯頭釣石喜長溫。

贈徐亞陶

七十爲郎執戟身。閒調粉墨鬪輕勻。踦羸不與諸曹共。背嫉偏於傲吏親。試作梅花嗥寒雀。飽聞天馬出風塵。紛紛竿牘何勞數。蕭瑟途窮一寫真。

晚霞寄興

乙酉仲秋作

西山危磴坼鳴湍。喬木彫疏恠石盤。忽見餘霞成遠彩。還從城闕射林端。秋光爛漫無多子。物象蕭條嗟已殫。縱倚丹楓迴晚景。誰知野鶴警天寒。

重九集棗花寺送逸梧學使別

招提春隱樹蔥籠。城缺幽蹊曲處通。銜岫落霞穿檻入。釘盤秋果舉杯空。使旌南閣推名宿。妙墨西京接

鉅公一去湛盧迴紫氣。明年勝會望江東。

移居老牆根漫咏七首

丹楓烏柏江頭路。買宅歸歎久浩然。多難枝官何所補。少安泊宅且隨緣。但期容膝龜支榻。令我忘言魚

脫筌。最愛城南瘦沈句。三車白業五車_{子培前年移居詩云然}。

獨往平生蓄此心。生憎疲馬溺泥深。求師幾仗扶持力。逃谷還求寂寞音。坐具不嫌無長物。幽栖終愛傍

青林。造門檢點期佳客。梅尉揚雲枉見尋。

憶昨辛壬瓊尾餘。墓田丙舍意何如。龍荒舊劫誰同話。虎落新編更卜居。池上雖輸履道興。樽前且抱猗

玕書。先公故物猶堪譜。悵觸殘編乾白魚。

耆舊獨吾吝與勞。金門何異翳牆蒿。潘子長鳴海鶴去。_{孺初}李侯朗鑒孤雲高。_{尊客}槁梧獨倚巖居士。_{廬溪}

石墨相貽王戶曹。_{蒹卿}竹根判得同醒醉。白社風流亦足豪。

種樹前人綠滿廊。更容老子此移牀。結鄰大好依蕭寺。廢學無心覓鄭鄉。佳節徒箋野菜譜。新霜喜近菊

花房。更看秋色透光透。槭槭疏林欲變黃。

不厭清貧生事微。竹書奇字結煙霏。筆乾潤有碑碣枕。琴裂穿存玳瑁徽。石闕祕收厓谷怪。研池清得水

雲機。廬洲叢刻勞相餉。有客新從海外歸。_{時友人以日本古逸叢書見餉。}

久客兒童漸長成。驅雞覓粟聒柴荆。稚松蓋已如龍爪。階下有松。長不掩尋。而奇石形還似弈枰。句律猶輸孟東野。功名何必李西平。地偏喜得天光大。任運騰騰判一生。

張季直捷京兆以詩賀之

草檄論詩挾二奇。雞林海客已聞知。論交孰是腰忘帶。發解真如領摘髭。雅志終期耕谷口。浮榮翻畏震京師。官家正倚經生用。遠業勤修更不疑。

均父太守以重九未赴棗花寺讌集詩見示因答

初言騎馬尋蘭若。旋覺先生不出游。落日銜山已催客。新篇破睡枉相投。憑君目若營四海。笑我身將棲一邱。顏色如公能少壯。丹沙何用覓羅浮。

井泉

井泉誰所鑿。用汲媿吾須。拿侈穿同賈。賈傳在長沙日。穿井。身口侈腹。如壺。芳甘品憶朱。竹垞先生南齋被黜後。移居下斜街。近井泉甘。今無此寺勝矣。呼備修水筒。借作徒弄切。課婢寅風爐。一勺君恩在。王人受穀俱。

寄示從子觀瀾德劭古詩一篇

我少與而翁。讀書晦巖村。撰杖嚴君側。咿哦窮朝昏。秋攀柏子實。春臥桃花根。朝參熊鳥戲。夕眺牛羊原。煨寒山僧芋。斟暖田父盆。白雲爲我廬。溪水淨心魂。世事百不知。意適蠲疲煩。誰知不十年。荆棘荒頽垣。

亂離先德殞。痛毒難具論。氣象早摧塌。食息強墮。書堂已瓦礫。舊宅亦遭燔。諸兄忽成翁。頭白非朱顏。
我游學杭滬。去鄉遠故園。登高望丙舍。淚落濁酒尊。雖挾風雲氣。而孤詩禮恩。兒時受句讀。十憶已九諼。
書局就蠶鹽。挾筴稍綈溫。驅我寒與飢。南北疲趨奔。心力日彫耗。壯圖謝騰鶩。金門竊微秩。孤立失攬援。
銷金鍋無資。炊玉甑有塵。慶弔費日力。墨朱紛批根。圖書懶占畢。疑滯少平反。老我與諸兄。世網嬰艱磈。
齒髮漸豁禿。手脚易家鞞。羈孤多廢學。迹往悔莫捫。欲收炳燭功。期踐過庭言。況爾年裁冠。養翻始翩翩。
詩爲吾家事。修辭質宜存。六藝乃根柢。九流亦條繁。沈潛雅兼故。采擷史與辛。異葩同一實。學治乃合源。
大小器各適。致用道彌尊。隱則自娛嬰。仕期風俗敦。砥華無過樸。導轍始達門。汝學補我愆。詩書急糶殮。
外物不可必。澹薄信所惇。土木被緋紫。視肉譏陋悞。氣質不變化。不如蒲盧仁。戒之在積累。寶此昏與晨。
吾質樸且鈍。倦想寂寞濱。劇嶺構月榭。面江開風軒。縛茅五百弓。披牘三千番。引泉黃精圃。架石紅藥欄。
伏臘追親舊。春秋讌雞豚。退編樵收伍。卜與麀霞鄰。雅愛元漫叟。真風絕塵喧。州舉付兒輩。誓畢嫁與婚。
息心栖厓厂。黜明御聰輪。安能隨詰屈。堀堞輶離藩。汝志勿隳俗。抗心師老先。將歸課汝殖。蕭散忘寒暄。
對我袖中筴。索我笑口欣。山林臬壤閒。策拔發興新。人生貴適志。養拙康世屯。

南村方古香丈先君行也年七十八矣聞其尙健詩以寄之

四朝老諸生。行步及距虛。下山噉紫芝。上山赤松如。神光射牛背。邑故詞百車。試署行義年。八十尙有餘。

路險心太平。面皺還丹除。曾爲黃石侶。授我一卷書。材薄孤公意。凌風問何如。

送張樵壑太常奉使墨利加洲長句三首

海外波濤爭長雄。煩持龍節去和戎。應傳陸賈新編語。豈比張騫遠鑿空。呵護好憑蒼水使。眞除再入黑頭公。君去年以常少出爲大順廣道。今復蒙恩以四品列卿候闕。應教海國知寒暑。不與徐陵帶熱同。

二

公道撐犁八部推。國基新造亦奇哉。名王崛起西牛賀。默深先生以墨利加爲即佛說西牛賀洲。居四天下之一。天使爭看東馬才。野祭

蹠林移舊俗。異花瞻蔔得新栽。靈書銜出明光殿。文字威儀絕域開。

三

出入黃圖擁碧幢。復膺妙選使名邦。意輕絕島程三萬。望重連城壁一雙。握槩懷鉛猶手校。忘年投分欲心降。待公還日陪遊屐。泉韻西山漱玉琤。

陶然亭西軒

饒得蕭寥趣。天然粉墨圖。智安交養也。水月客知乎。野色侵城斷。嵐光入望無。冥冥南去鳥。秋影獵平蕪。

獨坐

虛軒受月多。直訝住煙蘿。窗竹上疏影。暝禽依靜柯。官貧稀物累。地僻少人過。欲索楞伽句。忘言遂廢哦。

朱竹石提刑遠餉古逸叢書二十餘種作詩報謝

朱君氣軀奇志欲清海寓上書屢言事筆挾千金弩夜光遭按劍浩氣終不腐奴隸視尸居朱紫安足數
更事目力衰憂憤披肺腑李翱寫幽懷杜牧原兵府去年特蒙恩召對碩人侯大府死乞留玉帳佐禦侮
還權繡衣節糾察肅行部一餽餘鹽蠶千村罷桴鼓平生文字性者好六籍古公暇追韓豪金石工擊拊
猶憐孟溧陽微秩老倉庾爲致青琅玕光氣排闥戶古心餉冥冥俗學矻响响詩史草堂箋地形寰宇補
一卷苦縣遺摹本壓石柱莊荀及篇韻流別形聲乳其餘資游息根角粲羅縷斥公百宋塵華子五星聚
吾友楊景度下筆鵬刷羽是書揚心物兄守敬客東瀛時爲黎尊齋星使校刊天遣泛星查鯨鏗震東土刻成不脛走裸壤賊章甫猶
得折左言侏儻發羣瞽鴻編落吾手巨麗緣君覩材薄倚吹噓耕孱鞭莽鹵惟憂龍蛇戰誰粲蛟鼉怒丸
泥觸與蠻一笑牂兼殺願君繳青邱指撝迴白羽稍出平生期輝張廟謀武劍扶扶桑雲士女得歌舞安
予灌園讀著論發掌撫

均父以前夕話舊感懷詩枉示因次韻

何事騎危百尺樓雞豚自足譙春秋高才不恤逢箕口世議真堪映劍頭尙倚波濤生健筆試盟魚鳥續
前游湖邊漁父應騰笑萬斛船輸一芥舟
或寄軍諮或隱朝夔虻相習漫相嘲且披金馬三千牘勿學靈龜八九焦水北清名陵石濬市南削迹類

宜僚待君康濟還初服。橙木家山自足燒。

臘月十九日自典客廡中西軒移榻東館感觸偶書絕句

行腳蓬蓬西復東。何殊馬耳射東風。杜陵怕作河西尉。去聲新乞鷓鴣半畝宮。

卻似酸寒老鄭虔。廣文官舍尙餘氈。不須細校佞盧字。探取懷如蒼頡篇。

烏皮且喜淨無塵。衝散狂歌覺有神。待喚春婆起塵夢。更浮秋菊禮髯真。是日蘇文忠公生日。

行年甲子不須評。四十頭顱半白驚。但得資高如葛稚。乞居句漏學長生。

雖乖夙好且隨緣。喧寂何分吏隱閒。新受曹溪平等觀。藤梢橘刺一時刪。

逸梧學使蒞節三吳途中追述重九日崇效寺餞集作古詩二章郵示屬當歲闌遠垂光寵勗竭蕪

音次韻奉寄

祖筵如昨日。葉脫霜氣肅。疏麻千里來。寒光映驪日。軒車乘雲翔。勝集疑可續。公乎千丈松。久厭凡卉縛。都講五經師。校文藜火綠。聖心瞻南學。星駕朝命促。霜臬奏清唳。大予振龔俗。乾嘉流稍湮。錢阮緒彌篤。復開正始音。茗茗撲浙躅。尙憐蕭寺別。籜巾簪野菊。晴樓瞰烟嵐。苔砌倒芳醪。停雲隔江水。悵望曠若谷。古心冥秋毫。作者森衆列。陋予螢爝光。況絆世羅拙。並世還九能。李沈鬱時傑。俱入公鑪冶。獨子蹇且劣。流光擲人去。幹沛仗明哲。填委滯下曹。沈冥遠往轍。節行慚久頽。頑硤遲礪切。不如謝暈羈。去依英蕩節。

挂席赤岸濤。編排青玉札。簸今滿塵氛。綻古抱遺缺。

書東廡壁

已是蕭條歲暮心。掾寮吏散晝沈沈。且欣屋後藏山大。黃櫨疏疏似故林。窗外有上山。高三
四尋。老樹數株。

北阮浮沈步兵酒。東臬貪著樂承閒。一官羈絆吾何好。二子風流豈所攀。

雙日牙參隻日歸。蹇驢職路望衡嘶。不蓮勺須尋張禹。只欲扁舟覓范蠡。

并無雞壘與豨苓。枳棘危柯甚不庭。卻羨子真耕谷口。次公何事獨長醒。

一鉢集止此一卷。前後卷皆不得蒙此稱。增記。

安般移集

詩續丙

歲朝立春丙戌

舊人難得迎新歲。激澗庭梅初作花。況值青瑀擁翠節。乘雲夜讌東皇家。東風吹破冰解碧。張樂扶桑挂
瑤席。仙官手摘星貫珠。化作齋前五色石。時舉饒生子。未匝月而塲。

賦得春星帶草堂

西郊白馬寺。南郭碧雞坊。風定星猶颭。窗虛宜自光。玉繩斜屋角。銀燭映林塘。剝啄無人過。幽栖意味長。

東廡北窗外。土山率爾成咏

茲山雖尋仞。蔥籠一壑姿。丹檻依喬木。寒巢宿羈雌。夜靜疏竹鳴。如流冰谷澌。惜無淮南術。下鑿鍊丹池。
聊作園令隱。蠶靡青莎滋。迹滯抑未累。神超冥象奇。碧城塵自遠。玉樹陰方移。

題友人書庫

種桃何術成靈源。春滿巖中無雜樹。古人聖處眇獨智。揚子由於獨智。入自聖門。豈在盡通百家語。勸君莫驚智無涯。
薄暮未知止泊處。要窮日月鍊精魄。假術修心發深悟。蒙莊讚老子之於道至矣。而猶假至言以修心。此即多識前。言往行以畜德之意。非是則懼外憂。徒誦禁書和也。石齋黃。

先生聽畜鷄由之以作。日用曹溪半句亡。晴窗一片風花度。

六言示江荔齋富陽人。時爲教習東館。

莫笑廣文冷署。還欣列子連牆。一枕冷風忽送。煙鏡雨笠江鄉。

洲前梅朵舒白。沙上桃枝吐紅。各有奇春一段。潭洞槎牙腹中。富陽南岸。桃花開時。闊漫十里。吾邑有九里梅花洲。足以相敵。

東軒曉起

城居何異林藪。屋後叢叢小山。知否蓬萊左股。夜來飛墮人閒。犬吠籬門新月。雅翻庭樹殘霜。且復據梧坐嘯。犢車歸趁斜陽。

朝鮮使臣徐閣讀相雨祭書圖代友人題

樂浪雲氣頽。雞林碧樹彫。槎客千里至。鳴玉奏煙霄。東維有珍榦。適館永今朝。菰蘆仗奇士。龜涉望孤標。袖中風后經。談笑卻天驕。神奇破竹素。恥作湘東蕭。錦贖十萬卷。斫柱嗤摧燒。遑論蛻與鳥。祭文享蟲雕。待看鯨掣浪。目笑鳩栖苕。

古言出巖壁。古心聲金石。何以摯古人。賴有千載籍。頽波何虹洞。異說潛方策。誰知東方士。墨守羣聖觚。材懶不忘本。何況媚學客。經神俎何休。僞體桃枚墮。玉梅三百樹。遠君蒼山宅。丹邱冢吞胸。乳竇瓊敵液。一片清瑩心。方潭秋月白。饑蛟戒狙伺。歌吹釀鋒鏑。爲政先正名。籌邊術宜擇。翩然游上都。劍騎光烏奕。

歸去石室春。抱殘欣有獲。

東園

東園萃起候星臺。雲影林光豁復開。天遣沈冥漆園吏。花時曾挈小蠻來。酒榼也。

浮青一笠界莓苔。山上有小亭。一日須登一百迴。忽發狂言玉女笑。披襟坐對竹風開。

早入左掖門

掾曹雁鶩有程期。高柳疏星曙影移。皎皎直心依土觀。溶溶太液漲春遲。賈生五餌言甯切。鼂令三長論已枝。太息書生空雀鼠。幾曾抗議補時危。

壯士

壯士不復射狂潮。百金黃肩嗟已凋。晶晶日光四溟合。索索雲氣九邊彫。石田何處黃鶴啄。花苑正散紫宸朝。何時盡錄天驕惡。神武春祠用一梟。

白海棠

何年蟠結此齋前。月下頽雲翠鞞肩。伴我松明燒寂寞。無人錦障與迴旋。亭亭不改太素色。睽睽欲下長庚仙。銜子何須定黃鵠。故將避世老嬋娟。

牆內老槐

秋收靈液藏一殼。春弄密葉垂千條。託根雖不得其所。呼吸自透青雲霄。

丁香花

東園亭子露將晞。一樹凌風翦舞衣。離披春桂瓊四出。錯落雜佩碧成圍。山蜂欲醉抱香去。行蟻無心噉瓣歸。閱盡人間春似水。不如乘霧逐靈斐。

次韻易實甫蜀中見寄追錄

年少才函雅。郎潛位應星。枉君蜀道作。感我草堂靈。諧世羞三術。窮年慕一經。匡時付君輩。祇欲老沈冥。

偶城咏西寓舍草木四絕句

次第花開八九枝。鬪他韓氏好辛夷。縱饒爛漫紅千葉。只愛小松曾入詩。主人著好頗妨俗。祇合挂冠神武門。宿留卻爲閑草木。綠窗疏影伴黃昏。故鄉無墅可棲遲。充隱王城素飽嗤。收泣新亭向誰語。漫攜蠻榼挂高枝。花爲園主我爲賓。主客欣然一笑親。更買湖嵌供露坐。待栽瀟碧媚煙晨。

四譯館夜坐

元雖未草常耽寂。白欲生虛久愛閑。吏散庭空花自落。據梧一剝叩滄山。

寄友人

鄧公孤且直，衰俗起痿痺。生在叢枳間，不改丹橘味。馳驅瘴雲鄉，她蠱吁可畏。投老戀君恩，干譴忤時議。拾遺不敢忘，翦翮看蒼蔚。九重披琅玕，安得生兩翅。

土山

略如高岸擁浮槎，晚照西軒倒射霞。夕飲冰人忙孰過，朝餐瀝客適何涯。新巢得意山鳩鶻，翠蕾無名野草花。卻似荒蹊落蒼耳，透林一市手頻叉。

有竹軒雜興

池澗尙黏萍點點，岸涼正對竹娟娟。春禽溼掠薔薇雨，晚蝶香棲苜蓿煙。物情瑣細各自媚，壯志蕉萃難爲妍。漫借官齋爲道院，夜來皓月碧缸圓。

三月二十九日

餘花三兩驚人眼，好樹清陰障日圓。隔屋書聲琅似磬，暮春花市散如煙。似人覓語皆堪喜，避世仙方莫浪傳。何必兵步廚始醉，俗塵戰勝午窗眠。

麻舍有小亭居鐘樓巔下，接衆木之杪，頗可望遠，戲題曰木杪亭。

蟻國槐中觀物化，鹿亡蕉底葆天和。登臨跌宕由來少，風日清妍所得多。萬瓦鬱蟠浮陸海，四圍新綠俯交柯。羣山王氣盧龍塞，表裏高明一放歌。

獨遊華嚴寺

衰王不常嗜桔梗。世身皆脛悟芭蕉。獨尋疏磬穿林至。小住芒屨遠市囂。經葉蠹穿僧廢律。花光凌亂客攀條。呼僮沽酒日西去。綠荔支攜春一瓢。

東軒卽事

芳樹倚房櫺。新花鬥小紅。雅噓修竹裏。人語綠陰中。世法象拘淖。安心蛇幻弓。聊資一宿覺。暫釋百愁攻。

四月十八日移床西齋

海鳥樂菰蒲。何心饗金奏。偶緣避風濤。暫止託雲構。多謝主人賢。飲啄朝夕厚。卑栖夙所甘。微報慙未售。蝸牛無定居。相宇角左右。焉知棟梁橈。浪逐晴雨走。一枝良可巢。敢云達士守。枕簟有餘涼。槐陰覆清晝。脩脩白日靜。文卷罷銜袖。不待炷鑪薰。觀心鉏昨謬。

別東園樹木

槐蟻雨改穴。不出旋磨中。有時阻蹶浴。水涸俄復通。但憐舊所止。竹木鬱蔥蔥。望之何暢然。便擬息微躬。居此得幾旬。又覓瓜牛宮。勞生懺營營。波流浩難窮。但媿綠卿意。媚我玉一叢。欲去還稍住。芳懷與誰同。放汝干雲霄。勿媒斤斧攻。攀條十年待。誰駐童顏紅。春丸挂北枝。百舌瘖南風。年運而往矣。衰榮付天工。

別土山

土山不世情。何如定林好。白下二定林寺之交。有土山。荆公曾作詩。予昔游而樂之。有卜居之志。寄此塵市內。看人幾回老。上有芳樹林。鼠耳到合抱。山陰饒佳花。山陽積煙草。招我幾清晨。熨我顏色稿。亦有講肄勤。嘉德江。謝采封才絕倒。相與茗一甌。風軒澹卻掃。談空撥灰芋。說怪徵海棗。定林不可攀。旅懷空浩浩。歎息別孱顏。吾其訪園皓。

徐亞陶曹郎七十初度作詩遺之

京洛一塵中。幾人全其真。擾擾昨暮兒。繫著名與身。且飲且田獵。昔夢俄已晨。素既染爲緇。桂復摧爲薪。獨有亞陶叟。飲酒得真醇。坐嘯白雲司。倒岸烏角巾。主客豈清秩。同落樊籠塵。張南與周北。諧笑漸相親。得君野鶴姿。坐忘餓鴟瞋。秩雖後千品。氣欲劓百秦。觀奕楸樹下。攜壺小池濱。雪穿東郭履。山劈南田皴。摘荷十剎翠。移竹兩竿春。買醉得窮年。爲郎老跋踈。金魚歷玉帶。花勝簇生新。不嫌白髮短。未覺青春貧。吾欲攜叟去。西山劓嶮岫。探碑翠微寺。甯釀蒼松根。裕陵時。得異人獻釀酒法。以佳釀裝封。掘深山古松下數尺許埋之。年久得茯苓氣。色如虎魄。飲之令人難老。杖引泉的鑠。鋤翻芋玢璘。振衣逍遙谷。散髻寂寞濱。陰厓肱石笈。修瀑弄天紳。有蛟自可罾。有鯨亦可緝。勿嗤龍鍾億。能使王風馴。千金國工縮。晚作洛社民。何必靖長官。始脫五濁因。龜堂息無聲。掌粟烏啄頻。用願權事。貪看白鷺下。卻飭青精勻。吹笛響震谷。騎牛草鋪茵。還隨地仙去。不知孰爲賓。

少宰宜興周公挽詩

鈔胥擊脫不能供。口授文書若撥體。曾活萬人門必大。見推一藝鑿何工。國山碑有重臨本。陽羨溪無半

畝宮廉吏可爲邊如許。隻雞他日醑橋公。

日來寓直於西偏儲材館。乃故相瀋陽文文忠公所建。感歎有詩。拉雜書之不復詮次。

虎賁寓直借蘭房。屋勢連雲卻向陽。小住偷閒聊卻掃。靜中晏坐漫焚香。

百年應得養士報。拓築金臺用意長。卜士有爲先自重。莫驅雞鶩啄黃梁。

揀時表列富兼蘇。馬格權奇孰應圖。同治甲戌。文忠疑言取材能得如宋臣富弼蘇轍。通知大禮者。庶於時事有所裨益云云。

立朝孤。

不數竹西禮賢館。豈仿南都史道鄰。佳賓何處得侯計。侯方域計東。牆下森森竹似人。

中原雲氣黯銷凝。鴉鵲喧啾閣幾層。海上孤鴻飢不顧。想嫌觸霧墮炎蒸。

人物幾見道咸前。唐邵會吳氣凜然。謂確愷位西文。正竹如諸老。蕭瑟棘門何所恃。夏蟲閒暇議冰年。

人言綆短汲深甃。搢搢騎危不自休。今信老臣謀國意。百年喬木竟荒邱。

柱下面壁信行藏。執戟猶慙漫作郎。一雨庭莎如髮翠。光風侵入小藤床。

午眠一响竹風清。兀兀暫時心太平。莫恠杜鵑橋上語。動君嘗膽枕戈情。

金甌無事覺長圓。漆女深憂衆不燃。畢竟武皇誰得似。七崩論賞徐生賢。

六安十五年前語。吳竹如侍郎。蒼海橫流一至斯。夜望天河訊槎客。水邊精衛近安之。

禮樂聲明七百年。大都人物幾凌煙。君王若問乘邊將。未老馮唐欲薦賢。

偶題

宋賢之詩宋書勢。光鑑發露無留餘。卻看漢晉筆高簡。桐閒露沐柳風梳。時代漸降藝能衰。以巧破質污靈臺。熱然晞髮勝人處。物未生時花未胎。

謝同里葉丈餉野朮

知別故山久。開予物外情。蕭然致白朮。歸去掘黃精。獸狀白雲翁。函封清李生。欲訓無長物。願伴採芝行。

漫書絕句

渴鹿奔陽燄。飛蛾投燭光。君看利那頃。眩轉百千場。

十利海登水閣口占一首

誰知五月王城裏。淥水紅橋畫不成。欲買江南黃篾舫。醉眠盡日檻前橫。一蟬不鳴林轉寂。雙鷺忽起埕邊明。那羨岑參漢陂樂。波濤直是恐人行。

枯坐一首

境以寂成樂。吏舍如招提。烏將鵲啄啄。苔染草萋萋。井苦汲者少。園荒鋤懶攜。惟應曲肱坐。歸夢泛西溪。戲作一首

談哈爲病崇方皇。管子曾無辟鬼方。切莫輕投葛陂杖。衆魔遮道殺長房。

又

道高一尺魔高丈。要以攻心爲上策。

劉融齋先生著寤崖子。有他鬼我鬼之喻。先去我鬼而後他鬼不生。此探源之論。較之山鬼伎倆有限。老僧不見不聞之說。更勘進一層。公出世間人。乃亦

見及此耶。洵所謂惟天下之靜者。乃能觀微而知著也。

喝破秋墳鬼唱詩。鐵圍山倚摩圍碧。

又

彌天那有龍城守。四海但說婆羅門。不須演孔刮老佛。且著阮瞻無鬼論。

護國寺羅漢松

北人觀書眼似月。南士隱酒氣如龍。而今人物渺然處。賸有元朝北寺松。

謝人惠筆墨

鏤畫冰脂費。文辭粟帛慙。曾無經世用。轉枉助思覃。銀管異人記。漆書奇字參。散郎無月給。兀兀老花南。

憶昨游一首寄松岑戍所

憶昨紅樓聽夜雨。花枝重疊隱窗紗。層城迢遞催歌管。曲巷分明走鈿車。說劍圖成紅粉笑。鬥詩草就玉繩斜。鳳城此夕看雞塞。兩影蕭蕭鬢各華。

又寄二首

懺余綺語都消盡。梵夾清齋掾。中長憶榆園。幾易主。十圍龍翠一樽空。花落城南鬪雞道。草生塞上牧羝叢。蛟盤筆勢應加健。卻望文姬返漢宮。

筆勢屈強撥戈鋌。種柳白檀多歲年。虎頭身在心猶壯。蠶尾詩成句入禪。松欲生鱗惠陵道。元年惠陵聖德神功碑成。史館如君工篆。徽題額字。如張皋文先生故事。鶴猶未返禁城煙。稷門爲報稀三絕。待起台州老鄭虔。

懷繩庵學士

疾雷應是不終朝。湛露還晞下九霄。直節生憐門尉雀。撥蒙幾見弁垂貂。春蘭秋菊無時絕。北斗南箕自古謠。鸚鵡聲催人去盡。今餘錄錄抱關蕭。王仲翁護蕭長倩曰。不肯錄錄反抱關爲。

獨往

曉謂飄然出。昏仍局促歸。劇憐魚跳網。那得鷺忘機。簷碧林檎壓。窗紅木槿圍。平生期獨往。一笑事多違。東坡詩。正如此魚跳網中。未與造物游數外。

物櫻

將心不挂物。物我兩相櫻。不如聽物至。物卻我還贏。籬角竹短短。石床莎冥冥。齋心入枯木。蟻睫乃聞霆。
汪郎亭閣學。奉使廣東臨。發新納姬人。爲作小游仙。詩十二首。

碧油幢引向西樵。神女無端奏玉簫。想爲金堂仙寂寞。戲招煙玉喚清宵。

巢痕欲別鳳池頭。鍼孔還添牛女樓。珍重芻尼好裝束。支機石畔造方舟。
朝來行雨洗朱轡。小字蘭荂刻篆痕。想逐較紅荔支去。伴君一笑海南村。
前身詞客老維摩。碣海浮幢欲欲波。筆底繽紛花灑灑。何如天女散來多。
詞頭夜下承明廬。然燭頻修中祕書。知否丹成洞天住。看看花影八瓠餘。
細葛香羅疊似雲。待臣需賜禁中分。今朝一段光凌亂。退直歸詒到細君。
未餐海色到羅浮。先泛蘭橈潞上舟。西岫晚來霞一片。小紅桃暈鬢邊收。
倚徧三山更十洲。公家楚尾又吳頭。何當一舸垂虹去。只載明珠不載愁。
使星臨發又添星。顏欲回朱鏡裏屏。嶺嶠名山待題徧。荔支初熟雨冥冥。
軒車五嶽已遊三。補乞羅浮白鶴驂。江似青羅迴作帶。山如碧玉聳成參。
閑嘲小德記涪幡。黃山谷事。絡秀不妨無外家。蘭玉他年粲成列。何須姪女鍊黃芽。

雜興

朱果綠房簷角垂。疏松瘦石倒盆池。池受青天雲澹沱。松亞碧樅樹參差。日高花影貓相乳。風動林衣鵲
躡枝。鈍翁小極還幽興。攜籐透徑一尋詩。近自署芳郭鈍叟。

讀後漢書方術傳下

青牛道士來行藥，白鹿真人好種松。何似收身一壺裏，閉門千息自濛濛。

逃暑

何處堪逃暑，華嚴海色涼。人間春夢短，敲枕北窗長。

典午

典午休言人物空，阿龍超又謝公融。尋常作用能迴俗，蒲扇練衣一笑中。

次韻心根南歸留別

直節生來絕傍依，天泉歸去叩王畿。請看棘下麒麟植，何似山中薜荔衣。養到澗松寒轉好，招君野鶴倦還飛。暫時分手東門道，莫漫長歌和采薇。

不如且枯坐

佳花令人悲，美酒令人怒。胡獨焚吾和，豈伊一身故。悲者悲黔首，飢鴻號經戶。怒者怒烏裔，脂膏汝賤取。霜風摧槁葉，勺水漑焦土。跛牂牧太山，穴蟻隄不禦。邇來朝鼓失睡眠，誰令此憂遺君父。既不能作北平壯士，百步殺黃肩，復不能效西涼主簿，一搗迴白羽。散木虛生塵世閒，已拚老作秋草腐。得時爲虎失時鼠，蝸角紛紛安足數。朝騎一馬出，排雲欲躡天關路。雲霧晦冥無所遇，將安歸兮白日暮。從此罷看東鄰

花亦復不買西鄰醕。不如隨緣且枯坐。定中天光發泰宇。君不聞。巨唐李生解高歌。獵置不能絳龍虎。拂衣試覓澹宕人。莫遣青山偃蹇入官府。坡公詩。青山偃蹇如高人。常時不肯入官府。

通州張潤之封翁七十詩

殿前鳴佩玉。不如農圃賢。形神悴簿領。不如林皋全。海陵有逸叟。名氏畏世傳。子各治一藝。屋不踰三椽。衣冠入簡古。詩句偶蒼堅。馴鹿守先隴。騎牛巡溪田。出門鄉里敬。結交皆華顛。竹徑尋蔣詡。松窗述譙辛。鱸有青城芋。人疑絳縣年。行戒玉抵鵠。心如珠養淵。未嘗入州府。何事求神仙。

孫徵君詩并引

容城孫鍾元先生。古之義士也。不當以講學家目之。先生自敍。謂少始讀書。亦嘗妄意青紫。自分骨脆膽弱。遂隱於舉人者七十餘年。殆寓言也。當其舉幡集金救楊左日。豈脆弱者所勝爲哉。琴家有夏峯歌。不知者以爲尹芝仙作。予斷以爲先生筆。其詞曰。東海西山。蓋自托於邯鄲玉貌。首陽餓夫也。曰。歷數漢唐宋元。不忍言故國也。曰。蕭然一榻臥西窗下。第見東牖南軒。雙丸出沒。此非如邵堯夫玩弄光景語。蓋如諸葛灑終身不面北而坐也。直哉先生。聖祖皇帝欲致之不可得。歎息以爲天下大布衣宜矣。彼昏昏仕宦。草閒偷活。沐浴佩玉。昧君臣之義者。自以爲垂老筋力猶未脆弱。其喪心尠恥。何如哉。先生之志。夔曲于亂朝。而諠不委贊二姓。蜚遜于聖世。而情不忘故君。雖與日月爭

光可也。贊歎之不足。復系以詩。

斯人明代棄。徒令成勁節。亡國各自賢其臣。何知日光與玉潔。少游高陽門。晚臥夏峯雪。不仕神功聖德朝。迹晦神藏何勇決。

挽張芝浦方伯丈

人生非木石。太上媿忘情。看君裁半百。物化令人驚。昔日酒人游。倏忽異衰榮。天高鬼神惡。外憂恐侵誠。所以青雲士。蹈仁一身輕。傳道謝史筆。閉門守元經。曲肱聽松風。外物不吾撓。

四明張蘧軒孝廉往者同學湖上今年六十矣而著書滿篋贈之以詩

風雨精廬隔屋燈。廿年影事紀猶能。經生老去朱雲健。禪味參來黃蘗曾。收取治安歸業几。戲拈方略咍瓜塍。著書應待朝廷索。日費傳鈔幾許繪。

悔子浪跡萍南北。輸子元亭閣古今。儒術早知青紫賤。鬢毛何故雪霜侵。破除所習孤標出。藥括爲言萬物瘖。行欲從公林下去。汲甕懸水不辭深。

浙東自有導岷手。諸老殷勤竹素留。九觀數誰廣伯厚。九題遜子和梨洲。春蘭秋菊音塵在。白石清泉日夜流。落落張黃元同與君齊名。星向曙。試迴劍氣紫衝牛。

兜離海國雜羶腥。不如閉門長抱經。二萬一全新吐納。六菁三韭舊英靈。鮎埼南關鶯花墅。台嶽東開雲

錦屏欲瀉滄溟入，杯杓千年與公同醉醒。

座主尙書南皮公遺鮮荔支三百顆，自粵之燕旬日而達，色香味俱未變也。走筆賦長歌爲謝。

尙書胸有千鱗甲，森然列仗武庫中。前年坐籌日南役，氣攜西日還於東。機鈴出沒龍虎窟，雷電搜攪蛟
鼉宮。山川清明草木靜，復遣萬里耕桑同。六奇不盡玉帳祕，猶憾早挂扶桑弓。不然炎維斬鼉足，截業一
柱磨青銅。直使西域佳花種，赤絲不數漢殿爛漫蒲桃叢。今年馬人龍戶得飽飮，村村擊鼓歌年豐。從容
羽扇軍府暇，荔子紅綻林園風。戲驅南方草木到北極，瓊漿潤酒原思窮。閑情復忽被野鷺，銜子逕欲煩
飛鴻。鐵函蠟解顏色活，娟娟露折千枝空。冷如霜沁甘比蜜，生剝箸裹辭函封。輕紅肌對酒重碧，猶帶羅
浮煙雨青濛濛。但疑中有曹溪泉一滴，澡濯靈府芟羣蒙。時危光輝減玉食，大臣濟時成歲功。散官無補
媿素飽，對此未敢嘗新醕。分貽僚友敘愆息，以榮師賜霑春融。致此者誰李元禮，仲約學士丈遺一力攜致與公熊耳開
雙峯。桐廬野夫無世用，但思種果儕畦僮。願公整頓濟時了，手驅海若觀海童。越裳翡翠入天府，上林玉
柰迴青蔥。草書苦乏青李帖，空首欲報還恩恩。

復游東園二首

秋光爛漫忽驚眼，數月不到東園中。葵子彫房半蟲蟻，蓼花綠砌能白紅。采樵誰識范記室，策杖獨來張
長公。閒遶土山還一市，鈴嶺瘦蝶菜畦風。

無人朱弦激枯桐。稚金敷涼秋已中。夏鷗尙留鶴頂赤。秋纈看到雁來紅。瓜架豆籬宜野客。煙苗露葯乞園公。綠天深處可充隱。弱柳舞衣迎晚風。

心在

身羈束臈千重箏。心在寒畦幾稜菘。乾笑彥龍西邸掾。坐輸元亮北窗風。

賦得柳邊人歇待船歸

夏課改勁姪

一簇行人歇。遙青卷夕暉。欲攀垂柳待。徐聽畫船歸。未覺波喧棹。非貪汁染衣。憤眠煙草接。鷗警浪花飛。障日移樵擔。迎颺候釣磯。偶聞蟬破寂。暫遣鷺忘機。何處迴颿摻。相看倦鳥稀。鹿門應未遠。欲渡更依依。綠荷句飯客。穿柳晚知歸。小艇鷗邊待。斜陽鳥外微。遙喧楓葉渡。小立蓼花磯。淨岸應憐彼。來途旋覺非。白沙連渚色。碧樹息塵機。拂地知冠礙。衝煙誤槩飛。弛擔眠藉草。怪櫂臥生衣。便欲浮杯去。風波與世違。

碧池

夜半庭雅起。翻翻樹影移。疏鐘穿樹至。殘月近窗窺。世濁經多礙。人訛史亦枝。碧池裝古簡。祇以自諧嬰。

示漣上人

勞生久欲觀河皺。世事真同算海沙。輸與西林方外榻。一籬瘦影弄黃花。交游盡散陶方喜。尸祝紛投楚轉嫌。慎倒世人鹽味錯。不知更覓水中鹽。

寄呂定子丈

衰微猶幸及櫟緣。老學蘭陵晚更憐。但祝鹿裘娛九十。更煩犀甲董三千。時榮領水師學堂網羅國故搜胡廣。擺落兵家笑李筌。聞道華陽新種朮。前游相約續孫淵。

送胡員外辭官歸上虞省母

飄然一棹東州去。暫脫朝衫著綵衣。懷裏羨君丹橘好。望中懣我白雲非。著書仲任甘辭秩。解帶周磐旋息機。歸趁梁湖正秋色。長腰米熟芡頭肥。

城西荒灣積水氣象野逸與市朝遠便於散官僕移居於此匝一年矣昨逆旅主人云將以此屋質於他姓審爾卜居亦殊費力主人謝客客殆不免適適然驚邪一笑作詩

鄙嘉賓雖劣。爲人營巖茨。招來噉名客。不惜百萬訾。宋行閒架稅。堯夫失田廬。賴得富彥國。出券代官租。鰥生百無似。非隱亦非吏。竊食倉庾氏。瘠鬻聊避世。偶愛章曲勝。尋幽傍蘭若。有水卽滄浪。有竹卽林下。春結酒人社。秋愁苾芻寮。隈居象村隴。花發慰蕭寥。此卽專一壑。何煩闢三徑。晚牧應傳呼。朝梵入清聽。紫溪不可到。遠近理還齊。雲笈數十籟。日精兩三畦。龜褚及蝸戴。聽命于牀殼。問孰運行是。天隨謝機楛。不逢髯參喜。或惹鄭公嘖。行儻惠民局。拋卻半山墩。

贈朱鼎父侍御時以言事左遷

國病幽憂非一事。敢陳宮府肅宜先。精誠未許迴大譴。雅志甯能以曲全。龜解仍銜重旭照。草焚不使萬人傳。會須折檻旌臺職。似勝君家幾令賢。朱游越職上封事。前史垂爲美談。況君之職分固當言乎。鄙言及之。竊申明河水鶴鳴之義。非敢於古人有所軒輊也。

懷瀨上西村

兒童扶杖過西村。當日江袁二老尊。江退谷文與先君往來最密。砭俗雞蟲鄉鄙敬。登山鸞鶴嘯歌存。野梅踏雪溪邊棹。

潭菊浮金石上鱗。題竹小詩應已漫。忽驚老大客修門。

錢光祿丈葦灣觀荷圖

夕趨青瑣闥。曉策西郊路。平林盡處眺湖光。一雨空濛洗佳趣。紅雲散作千娉婷。照水明妝靚無數。微吟杜牧晚晴賦。偷看風姿來白鷺。捲廉西岫作屏食。下瞰滄洲淨煙霧。嶼孤三面已浮空。剗卻不令車馬通。身在江南畫圖裏。閒划小舫碧油篷。經過獵獵高荷下。舣船淋浪浩如瀉。游魚淺澗白蘋風。還就亭邊酒人社。衆賓皆醉月西斜。翠蓋攀翻爭壓車。南湖老人獨枯坐。合丹戲折青蓮花。

又極樂寺看花圖

尋春笑問春安在。寫入橫綃錦作池。爛占風光誰得似。愛公拄杖過橋時。花時喧咽鈿車來。北榭東欄次第開。會趁游蜂未知覺。小蠻榼倒紫莓苔。花壓西蜀珊瑚枝。酒壓戎州綠荔枝。但恨浣花翁少句。嫣然含笑出疏籬。

野筵客散暮歸闌。花影如煙鎖院門。還妬翻翻碧池月。道人常得伴黃昏。看海棠月下最宜。惜隔于重城。不能玩此清景。

卷中蕭散酒人奇。自署小長蘆釣師。江南春早未歸去。貪看酒顏生玉肌。

覓香了自不可得。此即曹溪知見香。一語天機拈出妙。詩家秀句鬥花光。文詩云。花能殊衆在無香。翻案卻妙。

醉倚東風絕代姝。不施鉛粉與唇朱。五年忘卻名花約。起覓城南舊酒徒。壬午春晚。與潘羅初李尊客鄧伯訥出西秋門。徧游長吾村極樂寺可圖

諸勝。是日孺老獨坐梨花下。戲曰。諸君皆愛海棠。此一樹垂白鬢。獨與予宜。予始得專之。則相與大笑。舉鴈爲壽。今孺老久歸海南。訥公則奉使勸交南界未回也。

看花百市人如海。誰問金身倚一尋。卻被拈花古佛笑。從渠開落總無心。

思公野興多佳客。時與歐梅共一尊。錢文僖白福密出尹洛中事。故事留真普明院。風流今日到雲孫。

避俗

落葉閉閒門。青蟲網槿樊。呼童掃竹徑。讀易就松根。亦有巾兼屨。并無琴與樽。此中有淨土。欲說已忘言。

鼎父同年將南歸省親走筆作歌送之。近以困于吏役目瞑意倦追述昔游煩蒸失次知我者或不

以爲嫌邪

憶昨相逢湖上時。年餘二十未生髭。墨客登場誇鬚距。大禮賦出千人雌。君少作南郊賦大閱賦。筆力壯健。同時意惟譚仲修明堂賦可相頡頏。

我時蓋鹽寄書局。李尊譚黃元均常接躅。精靈材力各飛揚。斂手推君時論篤。山光照檻水環臺。精廬

突兀孤山隈。按圖相骨重神駿。喚客披榛尋早梅。明年君作鹿鳴客。一鳴聲華何籍籍。弟兄聯騎入長安。

種出藍田雙白璧。君留薊北我淮南。草屨輸君積思覃。差幸鄰州得光氣。何嫌同鍛羽。珍穆同治之末三
報罷。注嘗聯翩作中舍。馬卿張季各不差。出入槐陰直廬夜。人間茵溷無心值。筵餅紅綾同拜賜。飛翠君
登玉署仙。參牙我落倉曹吏。旋看日下夾漳居。商摧傳鈔詞百車。移竹偕尋紫閣遠。看山合劇翠微虛。醉
入丹厓相枕眠。戒壇松聲潭柘泉。起來萬壑雪如海。俯視一氣心茫然。春盤分饜銀絲脰。秋社招邀成禊
會。中年衰疾動相關。休日談諧游物外。物外區中隨分過。笑談與世殊曰科。朝出探碑剝苔石。夜眠畫筵
望星河。崔浩事十年石火光中度。耳聒米鹽心竹素。時憂島索起橫流。私著罪言何足數。獨上排雲謁蒼闕。
規勢陳形意周匝。日南之役兩上言。夜靜風雷環一榻。我慙蠻府逐參軍。君旋西臺冠惠文。鑿空欲識條
支卵。說劍將求滄海君。方今萬籟各瘖喑。衆莫測君貌閒暇。豈知一疋欲迴天。敢獻愚忱赤墀下。聖恩暫
譴終旌直。會敕緋魚復君職。精誠白日自怡然。知與不知皆歎息。君謫官後。沈君子培謂萬物皆流。而金石獨
止。君之謂乎。呂庭芷觀察素不識君。書來歎
息。以爲今
之古人也。兩厄春酒博親歡。子能安之親亦安。小別栖真臥雲壑。歸帆吾重上風灘。君歸喜氣動鄰里。獨
我何堪久留此。人生離合不可常。種柳湖邊十圍矣。眼花頭白復何裨。卻憶不如年少時。待我蓋頭芽一
把。雞犬結社未嫌遲。

重送一首

平生出處驅蛭并。一日離懷不可更。我欲爲雲逐東野。君真叱石訪初平。章公夢自憂王室。槐里經須教

後生橘綠柑黃遠相迓。江鄉風景不勝情。

感舊二首

憶同騎款段。隨意入桃花。雨過看江色。千帆映日斜。風濤壯楚蜀。豪傑弔魚蝦。老友不可作。青山黃鶴賒。

劉叔儂山長。峇冕寶應人。此述丁丑春游鄂州事。

瀟灑吳公子。桐江寒閣中。合離廿年事。南北兩飄蓬。作吏如冰雪。世緣多異同。淮南秋色老。游侶舉杯空。

吳禮閣太守寶儉泰興人。

野菊

野菊開時酒正濃。花房排曲似窩蜂。尋常陽木全彫落。奇絕寒香耐過冬。

欲效

昏雅啄啄葉疏疏。霜柿紅稀摘漸無。欲效蟄天蟲隱約。春來魂志一齊蘇。

鼎父臨別以坐臥具見遺復作六言絕句四首

竹垞老人坐具。移來紅蕙山房。從此倦禪打座。更乞安心藥方。君去超然塵外。我猶帶水拖泥。別後江湖夢闊。對牀風雨淒淒。浦陽文獻堪續。穀水西頭墊巾。未忘掃除宙合。楊旁駒睡何人。

笑我蹉跎枯坐看君道氣偏多雲臥各專一整他年分我煙蘿

喜松岑放還至白塞上率成五首

華燈重照白頭新面帶微醒塞外春顧我流連難黍約邀君收拾水雲身詩芟季子秋笳怨牀對元常雪
夜真歲晏相看各努力渾忘兒女話悲辛

眼明方喜見華風未斲天機道豈窮浮藻刊餘見真實艱危歷盡返神融故人黃土碑新樹

謂章伯喈太守陶子綰學使

張芝浦中丞先後下世老學青氈穫晚豐君留數日將仍返主萬全縣書院耿耿未平惟一事龍沙北扞陸渾戎

漸衰風味不嫌枯卻笑平生意氣麤磨蟻古來消月日涸魚今得忘江湖雄奇猶欲圖狼望留滯何妨狎
狗屠且莫灘西招隱去嚴徐才句應時須

北汧南池舊泛舟自君之去罷清游重尋擬趁梅花信共醉依然竹葉筩炊玉國中難爛漫銷金鍋裏且
沈浮彌天會合從連句題徧燕山八景樓

卻憶舊時中執法謂繩庵近來消息斷知聞天稟上谷牛羊下雲椒西山鸞鶴羣忽記戊寅秋西山讖游之樂青坂久應

原次律華州偶未出參軍憑君爲報當時掾卻掃礪煙一炷熏

過潘孺老舊居裴徊久之時君歸瓊儋閒已五年矣有懷而作

王城隱者惟君獨虛和中有骨嶙峋今夜海南孤島月照子衣上九衢塵

枕榔林裏君獨醉。稚子飮牛初夜歸。誰作海南人物志。藤床危坐膝穿時。
園荒屋老無人問。誰記龐眉舊散官。猶有畸人手栽竹。遶籬疏影十三竿。

追懷薛桑根先生丙寅丁卯閒湖上燕游之樂

憶陪太守泛湖舟。戲折花枝當酒籌。紅袖拂筵教度曲。白雲出洞對披裘。
題名翠掃千尋壁。授簡魚銜一寸鉤。更索何人賞佳句。巋然苓落望山邱。

寄酬張通副時奉使美日秘三國卽題其羊城話別圖後

通副江海姿。氣劇羅浮碧。曠然天機精。飽探六峯籍。黑頭早馮熊。
起家列霜戟。吏能絕精敏。疑滯如扞格。備兵秦東門。築壘障海嶺。
移幡監姑孰。睹野蠟游屐。雕鏑出大句。儒史皆辟易。兵符洞黃公。
談笑氣旁魄。尤通四國故。兜離搜島索。星野補山經。月竈窮地虬。
俄蒙前席召。敷奏天顏懌。安危參國論。奉常攝典客。載筆銅龍門。
借籌玉帳畫。雍容資坐鎮。表餌欣徐獲。憶昨癸甲閒。揮持九真役。
南征劔元黃。北戶瘳蒼赤。走時掾典屬。填委職章檄。飛書治旁午。
起草連肝夕。蛟鯁恣陸梁。憤無長弓射。倚公議泉涌。發縱響重譯。
披圖察亭嶽。嘖酒暖鋒鏑。智囊未盡用。事機多可惜。公出擁兼城。
予留無六翮。相見津門行。媿子岸儒幘。稍解魯酒圍。未還秦廷壁。
公族銜旌節。雅材推鄭驛。璽書煩造請。言語妙簡冊。非公材莫勝。
浩淼重溟隔。擗搏九萬里。浮浮五牙舶。方今圖王會。方言欣采獲。
黑洲最馴順。收我右臂益。佛說西牛貨。珍恠難箋釋。

魏默深先生謂佛說大洲之一西牛貨。以今之墨利加洲當之。

喧傳天使來。威儀殊方闢。吹蠡伐雷鼓。撞劍戲緣擲。綠魚飛文波。異鳥噉鐵

液。銜雲瑤。環雙夜照珠。林百火輪日千程。羊腩顧未炙。錢漫孤塗面。字畫旁行革。地雄俗良厚。文物慕芾

鳥。精誠開太蒙。

爾雅太蒙之人信。

雄辯聲樂石。傳芭名王墳。美前汗格爾脫有惠政。既沒而民思之。采異花供養墓門者數十萬人。此殆楚俗傳芭之遺邪。樵翁亦率屬致敬。國人感悅。

桐酒天使席。長拱軒轅都。挂弓扶桑脊。獨憂西紅海。尉候見拊迫。翕張仰廟算。懷柔費長策。颺聲君虎步。

隱吏予削迹。剛腸老馮唐。鬱鬱髮半白。展公敍別圖。樽酒黃甘擘。要章榮上冢。畫錦被鄉陌。丹青寫離懷。

蕭散倪老癖。

倪中丞畫。

昨枉海外書。發藥起痿蹙。顧慙才力衰。虛辱徵題責。夜深看劍氣。照我京洛宅。

臘不盡十日雪中西郊眺望

近條皆綴粉。遠樹亦妝瓊。皋禽與遙吹。一并作春聲。人外青霞客。煙中白玉京。清輝誰攝取。畫本巨然成。

矮松

矮松不滿尋。側倚窗簷讓。蓋若虬蟠形。枝如熊攖狀。夏涼風謾謾。赤日作屏障。春葩翦黃絕。吹落茶煙颺。

雖無鶴伴寒。亦有粉供釀。風月此吐吟。戶庭招清曠。匠石之所棄。不材神轉王。護以麤眼籬。六氣吸天養。

歲久待茯苓。晚資仙者餉。昨宵雪蒙頭。散花珠幢張。此公亦好事。戲與瓊粦抗。人閒且託根。何必凌絕嶂。

爾倘高千尺。捐雲作濤浪。予雖煙火軀。便欲巢其上。咫尺汗漫游。無心逐禽向。

瘞主崇公家小園中有花窠茅檐土壁製作樸野而天獻盎然小坐口占一絕

透日窗光不受風。花煙續續玉叢叢。不知門外塵如海。春在先生土室中。
時公謝病閒居二年餘矣。

歲除日

又餞殘冬迓早春。南陔不泊每傷神。紛紛世事劍頭映。錄錄勞生車腳薪。責子空將梨與栗。捐書久以俗妨真。戴公山下如堪隱。聞道蒼松已作鱗。

安般篋集

詩續丁

春日戲書丁亥

園吏漸成充隱局。慵參擬乞時休告。年過四十道未聞。且假陳編資引導。嘯詠誰家竹滿園。盤跚偶出花
欵帽。客云祿命由人爲。胡不獵取牂生與。答云君毋落吾事。靈臺勿受萬物盜。班嗣王績吾師乎。數卷牀
頭易兼老。借問悠悠身後名。那及當時一杯好。

答上榆垣三兄

祿不逮親存。撼柯風不甯。羈宦老于北。佳節悽獨醒。百口雖相逐。焉知弱年情。尙憐王父宗。遺書抱頽楹。
系屬良未疎。兩弟上有兄。雖各治生業。燕越肝膽并。昨朝南鴻來。示我田里行。我宅睦親巷。徑荒蓬翳甍。
兄樓枕蒼江。盡日漁舟橫。窗岫浮修眉。泉虹萬巖縈。十里遇叢竹。五里山花明。倒涵蒼江影。鑿人心魂清。
豈知京洛塵。簿領困期程。歸與重歸與。醉臥東皋壘。

芳郭地名。袁氏世居之。

不二里。復初公墓田。諸孫謁元日。渡江捧墳年。

先世舊儀。家長率子姪元日展墓。

左蟠九松。山名。鬣右拍

桐君肩。不肖獨遠客。心愧諸兄賢。戴山先丙舍。煩九弟掃燭。生事葬祭闕。三罪孰吾瀟。從弟代兄薦。念之

時顛眩。我性癡墳籍。又耽邱壑緣。欲刊浮利名。世語盡屏捐。中恐憂傷生。栖心養空辛。卻望後子孫。康莊六經便。吾欲外其身。觀此芭蕉堅。以官爲荅勃。假藝作蹄筌。惟餘志親志。耿耿未敢邊。先君志伊何。曰金石可穿。經世治國病。出世拖天全。百墮不一修。我涕潛潛然。

萬山蟠蛟龍。廻穴潭洞幽。物氣有金寶。人文獨溝沓。棘下之所見。吾鄉不知求。江表之所聞。里耳寒聽聽。

先公欲廣之。求友者蒼收。東京范與鄭。欲訪中摧輞。誰爲起劉蛻。劉復愚。相廬人。破此荒榛邱。鬪雲出奇石。伐

翳導清流。一還山川妍。再洗茅簟愁。笑我筋力衰。先業諒難調。此事付後來。子孫勤撙紬。勿留千年恨。勿

貽山石羞。我但謀斗酒。與兄泛扁舟。沿洄蒼江勝。何事海嶽游。飢殮北谷稻。倦臥西溪樓。何知千載名。白

雲幻悠悠。

同縣方古香丈年八十寄詩爲壽

奚止當年飲食恩。造門父黨晚逾尊。神藏大谷觀羣化。氣壓崩濤養一源。課子肄書黃櫨社。勸農扶杖白

雲村。籠中一卷兵家祕。老去雄淵孰與論。道光庚子辛丑間。定海之變。丈曾上書浙帥汶上劉公陳兵事。

人日蒿隱居士家夜集會者六人。尊客子培。小山仲毅。主人及不佞也。

微月風林梢。華鐙酒人社。一堂集衆妙。卮語碎金寫。主人治曲臺。噓古斥摺堵。壁張遼經幢。筆仗靈芝亞。

東蠶有逸筆。隸勢潔而雅。挂壁有高君心變隸。衰遲觀令節。薜蔭追林下。今夕消寒五集。原訂七人。徐簡討不至。擇術雖異流。性韻諒同

把。執戟疲缺掌。岸巾便疏野。庭披早花紅。燭檢繡池地。擾擾京洛塵。冥冥孤往者。各含日新志。入林臂同

一自

一自西郊數月眠。景舍村落頗蕭然。古陂高下深林夜。玉磬一聲敲枕穿。

鍊心訣

千峯頂上。危刹懸崖。風篁成韻。冰壑砒雷。十年面壁。獨立無耦。左右蒼官。若古師友。亦參老佛。野鼠銜髭。齋心攝魅。垂足然犀。動無陵節。靜不枯病。動靜交養。以復厥性。室無侍者。微聞清鐘。潭沈玉册。行雨呼龍。青天雨過。忽見明月。洞林豁訝。細鑑毛髮。持照下方。雲翳煙昏。萬象清夷。各還本根。

晦日

晦日懷辰客。尊客自云。以辰日生。其家沿六朝人寄養之稱呼之。後乃更上一字。風流似卯君。遙知箋老子。一穗炷黃雲。

虛名

虛名終白誤。疫病好收身。無月愛清夜。未花招遠春。堞浮雲細細。林豁水鱗鱗。不值澆訛俗。那成梅子真。

送王壬秋南歸

邊符中祕罕兼長。君獨能兼向與湯。指畫雪山連北戒。夢攜丹器侍西行。來遊氣欲消疵癘。往事真難算。

海桑一鶴翩然遂南竊。客星更去照何方。

昨夜小集酒家意有所感賦呈仲弢

水閣前賢逝不留。存遭按劍壁空投。離筵箭有東南美。濁世金看日夜流。豈少長弓射青海。

座客談僧西僧
棍喝繁拉參戰

事
終令弊篋臥丹邱。花前判倒荔支綠。萬感人閒醉卽休。

潘陽二老歌

潘先生存文昌人。
楊先生長年江甯人。

何者爲景星。嶺南潘孺初。何者爲焦明。朴庵楊子如。古心涵炯炯。道論出徐徐。龐公洲上耕。瞿礪松下廬。見則天下穰。民物登几蘧。懷哉二老賢。人物康熙餘。生不事景陵。光燭閭浮淤。我欲往從之。德心我獵漁。歡言奉厄酒。氣和春景舒。不知是何世。花盞茅欄除。

懷鼎父山中

感君忠孝性。黯淡不知春。言從雪霏別。俄及花開晨。節行我久惰。詩書浩難陳。苦負平生期。不免爲凡民。橋樑未剷除。識路旋迷津。小悟電一瞥。恐復墮昏塵。端賴慎獨力。淬礪時天真。息息勤曠養。冥冥抱孤齋。名根竅浮豔。佳實斂枯筠。高藝捐曹嗜。冲襟勁無鄰。苟隨世好遷。九流無孟荀。當其雕炙沸。目笑斥羣倫。毀譽久乃定。自信後當伸。山中何所有。日與麝霞羣。白雲爲枕屏。溪水鏗韶鈞。不知山中夕。景光能日新。我無藥石資。何用爪兼鱗。

夜歸

東林疎鐘動。乃自西林迴。背郭多名藍。陳迹遽金灰。風流竹垞宅。今亦安在哉。卜與灌畦鄰。長鑱歸去來。

寄鼎父

越客垂垂老。燕嵐樹樹皺。溟濛幾重霧。蕭瑟兩孤雲。謫去江湖樂。憂來民物瘡。滔滔厄日漏。不獨念離羣。
春雪微霽偕蒿隱。小山子培仲。改陪李學士。讌集天甯寺。

浮世雲海幻。刹宇兀然存。層邱雖數仞。孤聳削昆侖。縱橫赤華舍。罽畫蒼石根。逸興集羣彥。令德出高言。劇談雲泉涌。衆壑湊一源。漠漠霧猶瀆。西山嵐氣昏。銀粟鋪平田。孤煙表遠村。塔光漏日腳。雕勢投松門。竹偃殘雪潤。亭虛暝雲吞。夕策酒人散。追摹清景捫。歸來天宇豁。華月滿前軒。

何祠曹南充人夜同宿省中談歷代果州人物欣然有作

與君同作沈冥吏。見說南充意更辛。共掬空庭菱藻影。喜參石室鉢盂緣。鸞箋修史陳承祚。翠袖凌風謝自然。何似淇冥蜀巖好。卜廛飲水自能仙。

懷仲修

陌頭花發每思公。心與春流盡日東。文範猶爲萬家長。漫郎今隱一壺中。殺青聞竟三千牘。
君文集。都寫定。校刻裁竟。
縛竹思尋五百弓。便欲與君投劾去。西谿水暖戲鳧翁。

新會包大令招主景賢書院子久滯都下思南游一謁南皮師于越臺牽於吏役未能決去走筆作
詩寄君立仁弟

昏昏閉真日下鵠不使一舉識天地之圓方。丹沙久欲採句漏洗我洞壑槎牙腸。吾師持節督桂海一柱
巖業天南疆威名幾歲馨草木聲教久已鉤遐荒包咸受指走書幣邀我席曠名山藏白沙老人迹已往
霽月照耀枕榔鄉當時容經擬鄒嶧偶爾薦辟鷹邢彭祭酒邢讓布政使彭韶貴蕭文恭于朝碎金緒論耿猶在餘興逸筆神
龍翔于嘗見陳文恭大草詩牌于長安市中勁逸冲融一見驚絕如坐陽春臺中負劍語履迹如此何況張李之徒日侍親顏行張詡李承箕灑
然脫落文字外八儒三墨真秣糠時危若使異人出亦能簫勺疵癘迴天光嗟予廢學久柴腹安取疥壁
前徽堂敢云學道堅嚮往但畏挾策嗤亡羊君立湛深癖油素勃宰理窟承義方如堯夫侍范魏國佐畫
尉候夷陸梁濟時兼攬阮文林文忠軌張喻金鑽探珠囊袒也縱與侏儒飢守玉桂國願覩弧矢垂寒芒冥
鴻南飛雖不得達千山千水雲蒼蒼待看驅除氛翳掃寥廓尚有健筆能賦吾師功成身遂平泉莊

懷均甫時佐治決河在涉南

施子文章倚豪橫近聞河上督榷薪別來春月已三穀醉後新篇時一鱗累質曾親績西域射蛟今更攬
東秦鵠華好景憑囊取餽我監門酒幾巡

籬成

一院枝交莢，凌亂晚松色。自從作筓籬，界破茶煙直。
自搖風嫋嫋，斜貼月疎疎。不隔西林響，時時聞木魚。

雨蒼復往盤山別業

借問盤中樂，新居幾日成。壁松穿檻出，澗水入廚鳴。靜氣木夔攝，佛光山鳥驚。夷然香飴熟，野老席無爭。
次韻丁松生徵君和厲樊榭杭之龍興寺唐開成二年石幢詩

西城刹遠塵游屨，曩曾踏東城樊榭。披記可數閱，百六十餘春。劫火秦灰雜，人往詩石存。徵君著螺蛤，
光騰陀羅幢。梁刹雲煙納，榜題名屢漫。彈指電空歛，遺民漸蠹房。影枕夕陽塢，湖上釣師歸。歌呼酒人合，
十寶佛髻空。市衲衝雨還，誰來尋勝幢。今隸辨周巾，癖者厲與丁。前後洗氈榻，知鏤石經年。追尋文宗臘，
雖遜吉金古。幸逃長繩拉，詩石兩俱壽。淨因傳胸衲，歸哉訂同參。爛漫米汁榼。

尊客遣妾戲作小詩調之

樂天春日放楊枝，自起研朱點楚詞。綠鬢信非娛老物，蕭齋相伴有山梳。
柳半黃時絮已飛，送春春逐小蠻歸。向來綺語憑刪薙，坐守黃庭長帶圍。
道人天眼淨繁華，肯逐城東俠少車。天老幾曾教素女，嬰兒戲遣煉黃芽。

咏劉越石

晉陽笳吹陣如雲，
愴慨登壇國士聞。
誰識石家金谷裏，
等閒曾醉石榴裙。

出游

髡柳微微弄翠，
妖桃的的含朱。
菴北坊南春早，
東風綠到藤蕪。

北地見杜鵑花

吾鄉躑躅賤，爛漫紅滿谷。
樵者曾勿顧，搖風誰采掬。
北地花一叢，深色直兼金。
根移一片水，蒼玉含煙鑲。
入朱門深，定窰花藝，
施錦幢。佳人愛護未肯簪，
遭時貴賤有如此。
朝出瘴鄉暮珂里，
乃知豐沛功臣甲第高。
初亦材堪斲養耳。

三月晦日獨遊東園折海棠一枝寘餅水中口占一絕

幸無風雨損年華，
自汲清泉養折花。
欲繫餘春游物外，
相要避世玉皇家。

花落後

閱久繁華無據，
翻憐綠葉清陰。
照我研朱解老，
移情不待眠琴。

幽居戲作一首

幽居事業猶媿負，
朝出歸來常日曛。
交花迴看鬪邢尹，
新竹數到幾仍雲。
小池新穿林影碎，
宿羽乍起窗光分。
江鄉所知若相問，
篤喜種果報書云。

趙新又太守六十初度寄詩爲壽

郡將古之狷。湛思喜孤縱。九流恣擄斥。三史常闡誦。藏身軍器監。俯仰淡言中。官書如束笋。下筆掃枯葑。面如古松皴。髮作秃鶴種。鍛非嵇生床。汲類丈人甕。時呼老兵語。出挾跛奚共。龍鍾或相嘲。槃散不驚衆。豈知公壯日。豪健籥飛鞚。逐賊河淮閒。露布響梁宋。朝馳百檄怒。風籟撥羣帳。暮作千詩雄。鯨鯨殷疊空。雲蹲兵氣慄。日落禽聲恐。急裝壓鞞刀。渴酒飲馬鍾。陰符動見諸。揖客行臺重。功成拂衣歸。湖上尋春夢。囊其屠龍技。翻作瑤蟲用。試輒冠千人。賦成吐一鳳。桑根老詞伯。壇坫方平閱。東南弟子籍。君來顏色空。湖舫荷花鮮。山轡嵐翠擁。登臨捫高蘿。吹瀉瞰懸淙。醉歌誰先成。妙語雜諧諷。大府禮致之。摘髻旋鄉貢。墨義徒相困。黃肩乃虛控。温温聊試吏。事變迭礪礪。孰予思愈擅。閱世鑒乃洞。前年喜見君。媿挾寸莛撞。大句頻枉調。霽色倦氛霧。子才猶盛年。老學資折衷。箋姚碎金出。癖左千絲總。君爲古文辭類纂作箋注。此書將來流傳。殆與蕭選相角。君注即曹憲李善也。君又著左氏內傳質疑。於時推武庫。應取作棗棟。易州浙美政。樂職徐作頌。大郡待發礪。蕭然屏張供。公乎著作材。應參石渠從。老屋憶花南。書倉斥餘俸。名心刊已淨。耆古乃彌犷。童顏老復丁。名理釋冰凍。頗奏鶴南飛。不辭腰笛弄。

喜湛侯復來京師相見話舊悵然有贈

何處論心地。南譙黃葉村。幾年離合轡。垂老入修門。君隱青油幕。飄搖江海樽。流年迫霜髭。豪健筆猶存。

我飽一囊粟。陰符倦披繙。苦思三畝宅。重閉煙嵐昏。世機久厭觸。六鑿離道根。今朝一放懷。故人笑顏溫。尚憶化書譚。謂仲修。疲鶴欲辭軒。何時併一處。雄談角幢旛。淩落不足羞。文詞百車屯。所惜平生期。六翮困

籬樊。心如孤月光。炯照濁水源。晚餘聞道志。世法破蝨禪。相期慰夙抱。陵厲念彌敦。

孤蘭空山中。幽人相媚好。物微有相感。不隔千里道。移之朱門盎。顏色日枯燥。古劍青黯黯。佩之金石保。願得一心人。光芒拭西顛。丈夫運有窮。所遇常草草。時來侏儒奮。時去賢聖槁。但恨歲月逾。勵志苦不早。南山有勁木。踐絕斤斧討。雲臥丹邱深。千歲養合抱。不恤一時譽。天風吹浩浩。

漆女多苦心。志士多苦吟。地迴短舞窄。氣挾長溟深。攬君千首詩。名理善鉤沈。爾足入黔蜀。高言寫登臨。興微含衆妙。酒熟成孤斟。清駛秋石瀨。渺綿春江潯。詩境差擬之。亦足撞堅金。皇路將清夷。宏詞試璆琳。身榮未爲晚。琬瑟待知音。顯晦固有時。無爲歎盈襟。

予與勉甫同爲主客署掾。今年君六十矣。於其初度。作小詩以侑觴。

掾曹接迹府中趨。局束枝官自厭羸。賴有兩忘身世者。蕭然齊物等榮枯。

閱世金門四十年。淀園舊夢付雲煙。期亭沈文忠公。寓直澄園。君與校文字。下榻園中最久。徵文諧笑工爲隱。曾習光豐諸老先。

早歲論文沈邵位西丈。追壯游大府典文移。元都朝士莫相笑。草檄飛書挾二奇。

閣吏相隨隱五雲。前同官內閣。語蠻又逐作參軍。他年卜築招君隱。水竹雲栖割半分。

工爲章奏弱豪強。老佩金魚漫作郎。剖竹明朝監海國。雄文鞭撻等驅羊。
委沙搏翼帝京篇。彈指飛沈角醜妍。人海智深誰得似。步兵以酒養天全。
東園簿領如山積。敗葉資君刀發硯。吏散鑪薰觀一炷。未妨危坐學黃庭。
南池荷芰一時新。長憶湖樓合野筠。龍井茶甘虎爪笋。壽君鄉味最宜人。

前詩意未盡隱憂時事。又有不能顯言者。復書二絕。

漢文有道吏生孫。北頓南佗銜轡存。柔靜似聞師苦縣。與君佐吏憺無言。
平生學豈適俗資。陽瘡終覺負清時。竟爾庭回參栢子。偉長中論倘吾師。

小園

世緣激宕似機春。日夜攻吾礪砮胸。誰築心城高帖帖。自張天樂意溶溶。籬瓜蔓弱頻支架。岸蓼莖肥待
作筇。一雨小園堪百市。槿花紅似木芙蓉。

觀園中草木

朝菌鬪媯紅。自榮遷自落。瓠花如靜女。寒斂縞袖薄。女蘿蔓青松。胞物貞標託。有如巖栖姿。俯被塵爵縛。
澀桃如苦李。幸免鑽核虐。餘蔭蘇陪臺。著夕風露約。棠梨果瓊細。得雨青的鑠。蟲鳥欣資糧。穿孔恣鑽嚼。
瓜如懸石乳。藤上高林絡。吾亦營一飽。羹臠良不惡。天地大果蓏。此語非諧謔。溼陰與浮陽。箇中消息著。

吾欲參究竟。金商掃秋瘳。物生與俱生。真觀謝止泊。南牆老竹笑。方解紫粉籜。虛已吾獨存。長年秀籬落。詭哉觀物篇。聊作朝飢瘳。

雨後欣然短述

泫林兩初闌。穿雲電俄寂。暗蟲稍緣階。疲馬方仰櫪。幢幢竹遮燈。獵獵薜衣壁。倨堂偶讀書。佳處供一摘。惜無堂下客。糟魄相諷激。時有涼風來。空簷墜殘滴。

送洪文卿閣學奉使俄德諸國

詔持龍節度西溟。又捧天書問北庭。神禹久思窮亥步。孔融真遣案丁零。遙知汎極雙旌駐。應見神州一髮青。直待車書通絕徼。歸來扈蹕禪亭亭。

聲華籍籍侍中居。清切承明出入廬。早擅多聞箋豹鼠。親圖異物到邛虛。工名幾勒黃龍艦。德廠督造鐵艦。國語新銜赤雀書。爭識威儀迎漢使。吹螺伐鼓出穹閭。

竹枝異域詞重譜。尤悔庵有外國竹枝詞。君之鄉先輩也。敕勒風吹草又低。候館花開亦瓔珞。周廬瓦覆碧流黎。異魚飛出天

池北。神馬徠從雪嶺西。寫入夷堅支乙志。殺青他日試標題。

不嫌做我鳳池頭。潭思吟鈴佐廟謀。敕賜重臣雙白壁。圖開生絹九瀛洲。茯苓賦有林牙誦。首宿花隨驛使稠。接伴中朝人第一。君家景伯舊風流。

卽事漫題四絕

東隱作

蕭然一畝竹，蕪蕪無人治。略似柱下史，沈冥我所師。
土山青幾仞，遠樹望皆圓。偶來高樹下，風曳一聲蟬。
連雨苔蘚合，今朝一放晴。伽藍塔燈出，草樹稚青生。
雲餘巒光奇，石簇苔錦麗。涼籟靜中生，遙空入秋霽。

戲題撲不倒翁

是翁造請應不安，榮辱都將物論齊。誰謂眼前行路窄，充然試隱一丸泥。
脚工踞地腹能空，俯仰俳諧一笑中。祇以滑稽全汝壽，卻防手滑到兒童。

余秋曹是我圖

性不諧時著惡圓，麴生風味可延年。戲將我見消人見，豈但形全定德全。爲吏身猶白雲隱，築堂坊以碧
雞傳。何如蟬蛻泥汗去，飲啄金華小洞天。

吏舍阻雨不得歸郊西草堂戲同亞陶君實作二首

荒園積雨欲沈山，巖氣全青石髮斑。細水匯鳴琴灑灑，枯池新漲碧潺潺。折腰竹似枝官懶，署尾文應敗
葉刪。笑約俞兄喚徐丈，杯湖同泛芥舟還。

危亭攢笠院藏山。空腹楸花臥石斑。不待烏呼泥滑滑。微吟籬捲雨潺潺。林衣蟲鏤先予脫。詩穴狐搜待子刪。卻似灑東留瘦杜。柑園不遣笋鞵還。

懷先塋敬賦一章

戴生柑酒流連處。西日川明一谷霞。貞石未龔封馬鬣。梵宮環峙問牛車。養親不泊悲三釜。營葬何須奠萬家。誰識黃公廬誦意。吏能無狀一長嗟。平生雅慕黃忠端公歸隱石善山聚徒講學事。第賤性疏悅。久不能決。浮沈曹署。非其好也。

晚起簡老湛

朝曦射庭樹。窗光眩黃綠。鳥喙去復來。鑪煙斷還續。忽念鄭老同襟期。睡起趺然遲芳躅。飄零江海各安之。卻憶尋春蕭寺時。早期共灌黃精圃。誰識相逢丹稜陂。清淺玉河橋畔水。殷勤來照鬢如絲。

不寐

四十又過二。未博專城居。橫陳困朱墨。舊業廢蟲魚。更較秋光薄。宗人詩。秋光都似官情薄。全慳野興疏。行藏徒四壁。蟲語正愁予。

送湛侯蕭寺已行矣寺中有一偃蓋松狀絕奇僧言數百年物也爲作一詩

遠別難爲顏。昨暮與君期。我來君已去。去之沅湘湄。君改官湖南。入門風吹衣。爛然花照籬。孤松白日臥。龍髯驚下垂。中宵挾雷雨。奔湊百靈馳。興亡閱金元。蒼官羅羣兒。兀鶴久不來。微微玉笙吹。宛如強項吏。偃蹇

而偏奇國門此再別。軒車來何時。賴此碧樹色。猶留爾姿儀。徘徊重徘徊。塞我路歧思。

伯蘭宗室屬題秋鐙課子詞

國初讓王風翼戴儲禎基。禮烈親王諱代善。以讓儲成名。如吳大伯。厥後世有賢王。見姚先生家所爲禮恭親王諱永恩傳。嗚呼。天道可知已。異代黃漳浦。書之憬然思。怡然松相國。文清公筠。老受叔父笞。所以立邊功。西招馴番夷。孝友教所先。不待出戶知。天潢饒賢裔。蒸氣生蘭芝。道孝早諭教。六藝勤耘苗。燈火漸可親。義取城南詩。王室方多故。國器時所資。爲君述其大。以爲右塾規。

送黎尊齋觀察重使日本三首

黎君憂世不焚和。談笑與人殊曰科。銜詔重游看浴日。浮梁積氣欲懷轡。東京祭酒搜荅誼。西海波臣入禮羅。歐美諸國行人。皆集于彼。俱頌聯屬。以通裔夏之情。故常爲重任。曾宿扶桑花下客。傾城士女迓涪桴。

夏洲文字源流共。物望愉衆所歸。甚欲津梁移彼俗。不輕凌厲示天威。仙官持節三韓遠。策士空談五餌非。陸賈歸來獻新語。待看鳴玉對天扉。

黔南竹箭晚相逢。還憶邵亭舊禿翁。幻世魚龍生百感。頽流金石仗孤忠。隱諧柱下休工我。決塞宣房欲付公。暫遣東探日窟去。蒼蚪夾送艦浮空。君先世蜀人。而徙黔。與莫子偁丈有連。

皋禽一首贈子培

皋禽之唳。精誠徹穹。修士閉門。危行如銅。寒暑不鏢。處悴而豐。何以樂飢。簡冊所叢。古今曠矣。言觀其通。有時孤往。蕭瑟泓崢。大野曠貌。露暘晦明。瞻彼西山。倚劍削成。清秋平原。栖畝稼秔。氣何次寥。林衣脫晴。雲水澄鮮。樵牧縱橫。觀萬物之淒緊。知予化之所貞。歸休乎棲真之廬。偃息乎防意之城。野老爭席。竈嫗不驚。宇定止觀。天光微明。蟪蛄雷般。蟻號矢精。神將來牖。毋爲物撓。我懷我友。離物屬情。智如元和之老。識古書之僞正。待夫君之發藥。叩予寂而求聲。擺落世語。整齊心兵。道德之囿。爰獵爰耕。子攝其實。我餐其英。華實相副。功用是程。庶期之以炳燭。免擗墮而冥行。

夜中讀北魏書

據省佚屏栖。未爲時擯。臆。魏頹諍吏節。虛荷府公仁。感此檐宇夕。寒檠一編陳。竊慕高公傳。伯恭高文公爲郎三十春。陋室惟鹽齏。諸子救樵薪。湛冥久不徙。超然趣彌新。悟彼北叟詩。卑棲養靈真。欣感情既混。得喪理庶均。尙恥鄉原迹。頗懷危論伸。曩賢何所餉。法律返諸身。獨坐光罔罔。窗虛松月親。

偶成

松下微風作籟。竹閒殘月窺人。政爾曹溪一卷。禮殘觀土三身。

自八月十三日河決鄭州奪賈魯河南流詔書頻繁出帑振災救在事臣工堵塞漫口敬述一首
元代財殫賈魯河忽聞決處奪流過。誰驅龍鬼浮空下。奈付蟲沙造物何。湛玉祇愁淇竹盡。捐金虛費水

衡多聖慈頻撤封樁賜早晚宜房趣奏歌。

尊客病起戲調以詩

偶承示疾意充然乍起甯資服散緣。知見香留消蕙歎。句文身在鬪蕉堅。人閒鸞翮迴中散。池上楊枝繫樂天。更約窮探翠微勝。試攜竹杖已輕便。

觀融齋老人所作草隸

右軍偶作崩雲勢。中散本是餐霞人。不須演孔刮老佛。新沐無言自寫真。

先生臂痛廢書時。悟激南宗妙決疑。

先生晚年著論書訣一卷。謂北宗鄭道昭。與南宗鶴銘蕭憺并闕諸石。同一氣格。極有微解。

下筆枯中生氣蕪。萬年藤

絡禿松枝。

夜集

月華如水地凝脂。妙集時賢把酒卮。長令擬翻金縷曲。清歌爲喚木腸兒。座有吳生善謳。樽前綠鬢相看健。檻外

流雲欲去遲。待賞嵩陽吹簫婢。應傾北海作碑資。李尊老戲語如此。

初入會典館口占一首

蕉萃枝官十五年。結銜清切幾揚前。忽驚杜老開元日。預校江陵萬歷編。前明萬歷中。重修會典。江陵張文忠公實革其事。事增詞簡。勝於宏

治十年官掌故久輸鼉令熟。官儀誰似衛宏箋。祇慚混沌施瑀飾。浪費官餐太府錢。

錢唐王郡丞屬題籌鏡課子圖

趙繚者何慈母鍼。伊軋者何寒機吟。黯黯者何竈不黔。青熒者何燈火深。藁砧遠游授兒讀。白日短短松
明續。兒讀不勤顏不怡。暗雨酸風爆雞卜。君不見錢唐沈氏女。王氏母。茹苦食淡操箕帚。勞事不居宛若
後。羹湯持底報姑恩。冬月常教鞞兩手。君舅囊筆南海頭。客葬綺魂遠藥洲。伯仲請行以故留。藁砧最少
血淚流。桓山之禽毛羽短。悲啼中夜寒颼颼。陸衝饑虎津無舟。衣履皆穿雪霧愁。喉中吳語粵叟啁。開關
負骨歸鄉邱。翻身復作嶺南客。二十年閒少書尺。別時苦語重丁甯。以兒累若傳一經。年荒飢掘鳧苽食。
使兒舖糜全汝形。一男中摧二男弱。門戶誰持生事薄。大麥青青小麥枯。兒不菑畝那求穫。搯拄艱難秋
復春。兒勝執戈作王人。所天未睹兒成立。晚蒙神祐轉悲辛。父兮兒寒母兒飢。兒免寒飢今遺誰。恨身不
如烏返哺。長伴篝燈傍母慈。君不聞錢唐高行麗京老。遠客丹厓絕島。有子零丁名陸寅。學成蓬戶春
迴橋。我亦孤根鍛羽身。墓田丙舍黯傷神。輸君輓粟勤王事。猶博當年祿洎親。

觀蠶池口舊胡神祠中所藏鳥獸蟲豸數百具胡巫以藥絮裝漬毛骨未腐植立如生亦異觀也戲

綴以詩祠今歸奉宸苑

誰遣犁軒與偃師。寓真于幻復奚爲。巧留化蝶莊生迹。欲費圖魚郭璞辭。蝸笑塵兵誰倚角。豹驚失霧尙
留皮。何當飲器西龜得。萬里頭顱漆月支。

蕃漢芸生盡控搏。不煩捏埭泊雕剗。大千人為物之盜。字書。爲母猴也。故借虛字對實字。十二辰蟲如是觀。化腐作奇誠

狡獪。卽空求色費譏彈。轉輪笑問空王度。六道超生一道難。

百蟲雅擅將軍號。誰得其皮與骨俱。有萬不同殊竅妙。滿堂觀者盡盧胡。肯疏往日難馴性。雄猛何人敢捋鬚。試遣黃初平叱起。刀圭一粒出丹爐。

當時獵網免充庖。此日跳梁不避敖。封册例援雞九錫。物名疏禿免千豪。吳碑侈說銀鑿瑞。漢雅重將白雉褒。爲問尻加雕俎貴。何如尾曳濁泥高。

野情妙得無人態。卻似崇師擅寫生。蠅不畏冰仍鼓翅。鷹如入畫正駢睛。飛鳧豈待通銀海。異鳥還傳噉鐵精。供奉應催蕭尺木。補圖爾雅獻西清。

不調幻藥灑生綃。用荆公題畫句意。毛羽經年訝未彫。望似木雞真養到。潤如石燕總難描。鼠肝聊付荒唐噓。兔角翻資解脫嘲。疑有千年蛻龍骨。好憑風雨致煙霄。

胡祠已掃百年塵。仙仗還臨繡館巡。望幸倘迴天一笑。登臺復與物皆春。亦開犀布珠厓略。漢書西域傳贊中語。未害璇機玉燭新。能致遠方殊異物。一時解角軼材馴。

祕殿羣公博物資。退朝選勝雅談宜。宛懸馬格搜神駿。不待犀燃燭恠奇。使者胡柯通大夏。君王按劍問黃支。豈徒瓊細科方物。蟲略禽經作補遺。皇朝通志。有昆蟲草木略。補鄭漁仲所未及。

又咏風琴

那有頽伽音絕妙，祇將傑侏冒琴名。略如漢樂翁離壯，併入胡歌敕勒轟。竹肉樂中誰識理，松風海外亦傳聲。曲終想有天花散，兜率宮看下界晴。

前侍郎瑞安黃丈垂示所作古詩兩章，典贍之中，行氣雄直，丈忠鯁之槩，觸境流露，後世讀公集者，藉是測公內養之所存，其激厲頑慳，增長剛氣，宜如何也。敬題長句。

郊西窳波列崢嶸，落日往往鐘魚鳴。翠微曉秀林表見，花市簇簇千房晴。頗疑地僻遠朝市，國初逸老廬幽貞。丈人玉立氣高邁，儼宅面勢精藍橫。捎雲勁木起公意，槐屋表裏愛深明。幾年輶軒淮海上，表微儒史搜精英。窮經皓首汪江輩，謂朱竹君·實始表章江慎修汪雙池兩先生·上其遺書·列于祕閣。不遇笥河疇發籟，酒酣多難念王室。赤手憤

欲屠長鯨，密疏閒謀最爲害。驅除左道安疲毗，丈人忠睿信天得。利劍不腐鋤奸萌，還朝封事甘左授。肝腸鬱律排霄崢，孔融剛疏汲黯戇。皎日破霧長空晶，孤生宜爲時所棄。每荷刀布調飢僮，昨來垂示兩秋月。杜句·兩章對秋月。澡滌六鑿誅三彭，餘姿逸筆出雄句。千巖木脫寒潭清，霜鐘撼壁鶴孤唳。冰阪九折車雷轟，識微睹指感我意。讜議可寢淮南兵，公平謀解龜紫去。雁岩武夷筇笠行，遮留朝土得依倚。耆舊典刑鉉後生，嗚呼元祐初年直臣出。鐵漢獨重劉元城，公平且擺落世語。暫游物外陶襟情。

黃丈作金匱馬烈女詩，借題發揮，刺時寓憤，不僅爲烈女言之也。孫太僕許仙坪兩丈皆有和作，其

詞影搖動折危然有傷世之意。昶未見烈女傳狀故不復綴一語。獨念諸老意緒忼槩不佞處卑且賤於近事亦未能忘漆室之憂。太僕師自解官後年垂八十優游田里不見十餘年矣。鄉關耆舊之思不能已於言也。作詩用黃丈均以爲撫掌之資。云爾。光緒丁亥仲冬月十又四日夜書。

世上高官浪趨走。鼎貴當年神已朽。黃金橫帶頰輔搖。坐令黠虜發蒙振落唾。枯條孔光胡廣相季孟。羞見梁溪女奇行。梁溪大儒顧高不可作。餘風所漸尙有烈女能致命。闌幽大筆黃侍郎。摹寫義烈神陽陽。和者太僕風格老。平生歸方長瓣香。兩詩雄深排宕詞不怒。筆如神虬盤拏觀者怖。後來賡續豫章許。各樹麾幢闢道路。恨無青搖玉上與三公舟。荆公詩。恨無瑤玉與公舟。舟字虛用。本毛詩。三公材堪佐廟謀。胡爲百鍊剛。坐迫遶指柔。精誠排雲叫倉闔。九關煙霧將誰尤。跛牂飛上太山牧。肘腋神州奸所伏。耳不聞唐衢賈生哭。幾見南北尉候清皇服。徒令波濤入筆託雄詞。士氣不伸甯國福。忽懷牙曠演溪濱。精舍少年今積薪。陸沈短簿髯參裏。矯首朱霞天半人。不見公顏見手筆。波磔屈強詞清新。罷歸望實益清峻。老來肝膽還輪困。欲往求公黃石略。卻嫌留滯帝京塵。

次韻瑞安孫公登茶山口占四十字付寺僧刻之石上

不識茶山趣。興公竹杖經。佛迎人面紫。詩斷石龕青。欲訪孤嶼妙。重瞻羸鶴形。蕭然兩物外。朝鼓久忘聽。

韓句。不賜曉鼓朝。

安眠聽達達。

次韻至賈村看梅

棄官身入香雪海。拄杖敲扉偶遠村。長憶從游湖上屨。孤山放霽水邊門。丹沙姹女營千裏。黃月鏡人伴一尊。此老風流今未減。豫章孤詣試拈論。滄洋有園林半樹景幽偏。豫章孤詣何人解之句。蓋指山谷評摘林處士梅花句也。

次韻黃侍郎餉泉物署曰欠敬蓋沿外官與京官交際俗例侍郎官臺省豈猶以外官自居耶戲答

一首

夏蟲妄士每疑冰。醫俗高流破陌塍。翹比黃柑函百顆。和難白雪關千層。遠投楚菊餐同潔。莫遣崔梨世議蒸。久矣先生消內熱。不煩帶暑笑徐陵。

易實甫改官汴中口占贈行聊發一笑

幽州萬士鈍如椎。易子詞鋒箭鏃偕。卻溯望衡聽夜讀。庚辰辛巳間。與君同巷。對霽而居。然相見極稀。予或夜分歸。聞君吟諷聲琅然不輟。輒欣然耐聽。而君不知也。其如囊雨歎晨乖。湘中白雲辭紫蓋。河上長菱牽溼蘚。不須喚起遺山老。擷取中州品藻佳。

中舍吳君一日見其狂歌燕市旁若無人戲賦此

把酒喧呼狎老兵。飄零婁護寄侯鯖。迷陽迷陽調楚客。負劍負劍笑荆卿。略遣風雲策才思。起看箕斗撒縱橫。長歌一曲狂疏甚。已被兒童識姓名。

夜與子川吏部入東華門

兀兀小車如號舍。載將疲象依泥身。疏星磊磊耿相照。空碧泠泠不受塵。禁樹橫眠瘦蛟影。玉池凍合石鯨鱗。記取長庚伴明月。雁行抱牘兩畸人。

小睡西掖門直房覺乃聞茶沸聲

邯鄲枕上喚未醒。忽聞遠山泉一鳴。潄沸聲從茶鼎出。覺來道士失彌明。三人促膝一團焦。七椀微風若可招。渾忘嚴裝直廬外。鞞鳴上殿海生潮。

重次韻

邊瓊幾函如笋束。腹涵鱗甲長官身。西天雷轟黃海寺。都護羽書紅柳塵。是夕得衛藏邊報。綠文梵貝爲葉皓。月瓦溝金作鱗。還倚推枰工決事。好憑長算靖王人。

再贈寶甫

日月無停輪。身世兩俱病。波瀾吹九寓。詎保金石性。貴冕議截鶴。素飢謀煮鏡。刻其熒熒暉。桔彼晶晶行。世緣不可必。外物如相繫。一官重自縛。未知所究竟。何似安故巢。鷓鴣託微命。陸沈希潛夫。著論差自慶。君言非本謀。生事劇奔迸。祿養期周磐。敢擇喧與覲。迅流縱方舟。欲纜不可更。浮生坐三歎。迫此風雨橫。坂中金隄潰。竹箭趨彭門。議塞念不決。立水無王尊。君去倘督役。伐石倉山根。盤錯試吏事。刮掃文字樊。譬已作新嬾。職當治盤飧。翻懼昔所學。實少枝葉繁。世議不易排。浮譽亦相扔。毀譽俱不眩。柴立槁木屯。

寶刀藏乃瑩，絕利守一源。勿以多端歧，烹魚去其煩。漸漬業乃就，振動媒謗言。稍稍養六翮，禰禰得孤鶩。一雪書生恥，治行謝姝媛。

呂成公論易恆卦之義，以爲立天下之大功，必漸漬膠固，然後有成。若振動躁擾，暫作易輟，安能成功。此至言也。援此以竊坳古人贈言之誼，實甫亦將有以藥石我乎。

寄均甫濟南

海內文筆李尊，尊譚仲修施，卻似黨辛常別離。施子胸羅九邊略，濟南水窟千山奇。縱觀河圖括地象，已罷竹工槌石舊。君來書云：利津挖河之役已載。方閉門讀易。嗟予憊矣卷甲退，晚師苦縣甘爲雌。

尊老生日

六十爲郎未厭遲，銅駝陌上墊巾宜。歸然風節和應寡，妙得天機知者誰。鑑曲笠筇追賀老，鐵厓樂府冠元詩。由來越國山川逸，借取才名重聖時。猩紅花照鵝黃酒，破臘年前已得春。晚覺方腫健勝昔，坐忘帶孔瘦移旬。讀穿飢朔三冬史，生後髯坡九日身。腰脚明年問何似，南郊鳴玉侍祠臣。

潮四圍此子口微吃故六句及之

憐渠最小未成丁，老我陶潛酒一瓶。欲遣耕耘報禾絹，幾能雄猛作甯馨。未隨宗武催編柵，莫學揚雲苦

擬經珠璣長應依膝下。不須歎也相而形。觀蒙莊稱九方歎相南伯子綦之子云云。殆以不材爲福邪。

夢游富春山中訪紫閣隱者作

突兀溪堂四面霞。道人騎鹿鉢胡麻。扣門挂壁惟巾屨。西澗浮來一片花。